



新刊監本冊府元龜卷第三百八十一

將帥部四十二

褒異第七

魏長孫嵩道武時為南部大人累著軍功征中山除冀州刺史
史賜爵鉅鹿公

長孫肥為中領將軍從道武征中山平之以功賜爵琅邪公遷
衛尉卿改爵盧卿討破妖賊趙淮於九門除肥鎮遠將軍兗州
刺史給步騎一萬南循許昌略地至彭城還鎮兗州肥善策謀
勇冠諸將前後征討未嘗失敗南平中原西摧羗寇肥功居多
賞賜奴婢數百口畜物不計天賜五年卒陪葬金陵
左大夫從道武征代諸國破二十餘部以功賜奴婢數

十 畜數千從征衛滅彼之賜僮隸五十戶為中部大人又
從仁慕容寶拜冠軍將軍烏九庫依宮鳴聚黨為寇詔建討平
之遷大僕徙為六人公加散騎常侍冀青二州刺史卒陪葬金
陵

奚牧為輔國將軍畧地晉川獲慕容寶丹陽王買得及離石獲
軍高秀和于陶以軍功拜并州刺史賜爵任城公

張濟為勝兵將軍頻從車駕北代濟功居多賜奴婢百口馬牛
文百三二千餘口

庾岳為外朝大夫討擒離石胡帥呼延鐵西河胡帥張崇等以
功賜爵西昌公進號征虜將軍又討反人張超清河太守傳世
並破平以岳為僕行臺及罷以所統六郡置相州即拜岳為刺

史天賜四年詔賜岳舍地於南宮和跋時為龍驤將軍賜爵曰
南公從平中原以功進為尚書鎮僕又逆擊慕容德大破之擒
其將士千餘人改為定陵公又與常山王遵討破多蘭部別帥
考為平原太守道武寵遇跋冠於諸將

長孫道生明元初為南統將軍世祖初進爵汝陰公遷廷尉卿
後征蠕蠕大捷而還太武征赫連昌為前驅遂平其國昌弟定
走保平涼宋文帝遣將到彥之王仲德寇河南以救定詔道生
與丹陽侯太之屯河上以禦之遂誘宋將擅道濟邀其前後追
至歷城而還除司空加侍中進封上黨王薨贈太尉

丘崇為散騎常侍鎮并州赫連屈于遣三千騎寇河西堆自并
州擊將軍王洛生擊走之以功賜爵為侯

元數臨幸賞賜隆厚

娥清為中領軍時明元南巡幸僕清與宋兵將軍周幾等渡河畧地至湖陸高平民屯聚林藪拒射官軍清等因誅數千家虜獲萬餘口賜爵涇昌侯太武初清自枋頭還京師假征南將軍進為東平公又討蠕蠕大獲而還轉宗正卿後詔清鎮并州討山胡白龍於西河斬白龍父及其將帥遂屠其城遷平東將軍月後為寧朔將軍破毛德祖於土樓以功賜爵交趾侯進號宋兵將軍率洛州刺史千粟殫以萬人襲陝城卒于軍軍人無不歎惜之歸葬京師追贈交趾公

奚斤初從道武征中原以斤為征東長史拜越騎校尉典宿衛禁旅從征高車諸部太破之又破庫狄宥連部又進擊侯莫陳部俘虜十餘萬至大娥谷置戍而還遷都水使者明元即位為鄭兵將軍蠕蠕犯塞令斤等追之拜天部大人進爵為公命斤入乘輅軒備威儀導從太武之為皇太子臨朝以斤為左輔時宋少帝立其大臣不附乃收宋武帝前侵河南地假斤節都督前鋒諸軍事司空公晉兵大將軍南征自魏初大將行師唯長孫嵩距宋斤征河南獨給漏刻及十二牙旗後為萬騎大將軍征平涼州以戰功賜僮隸七十戶太武以斤元老賜安車平決刑獄諮訪朝政

豆代田初為明元內細刺與奚斤前鋒先擒宋將毛德祖并長史馬三人以功遷內三郎又從討赫連昌乘勝追賊入其宮

大以壯之拜勇武將軍後從駕平昌以戰功賜奴婢十五口黃金百斤銀百斤神麈中討蠕蠕賜爵閔中侯從討平涼擊破赫連定得奚斤等六武以定妻賜之詔斤膝行授酒於代田勅斤曰全爾身命者代田功也改爵井陘侯加散騎常侍右衛將軍領內都幢將從討和龍戰功居多遷殿中尚書賜奴婢六十口以前後軍功進爵長廣公加平東將軍後為統萬鎮大將軍奚烏侯為建義將軍賜爵夷餘侯從征蠕蠕及赫連昌以功進爵成湯公加自外散騎常侍出為帛牢鎮將文成興光中卒陪葬金陵

叔孫建為征南大將軍都督冀青濟四州諸軍事南方憚其威略大延三年薨太武悼惜之賜葬金陵

長孫翰初明元時為平南將軍率眾鎮北境威名甚著後為都督北部諸軍事平北將軍里定侯給殿中拾隊加旗鼓吹蠕蠕每犯塞翰拒擊有功進爵為公太武即位徵還京師進封平陽公加安集將軍蠕蠕大擅入寇雲中大武遣翰襲戰大擅奔走神麈三年薨深見悼惜為流涕親臨其喪禮賵賻賜有加陪葬金陵

長孫陳為羽林郎征和龍賊自西門出將犯外圍陳擊退之追斬至其城下以功賜爵五等男又從征涼州為都將領大官遷殿中給事中進爵為子

長孫蘭為中散常征代以破平涼功賜爵睢陽子加奮威將軍

長孫小洛為都尉從征赫連昌以功拜樂部尚書賜爵臨淮公

加丁酉將軍

長公真為中散從征平涼以功賜爵臨城子拜負外散騎侍郎
廣武將軍

穆崇為龍驤將軍進爵長樂侯從駕西征白龍北討蠕蠕以功
加散騎常侍鎮北將軍進爵建安公文成時為征西將軍獻文
天安元年崇卒贈征西大將軍

和歸為統萬將軍賜爵成臯男與西平公頡攻帛牢拔之進爵
尚陽侯

王度為殿中給事遷尚書從征赫連昌討蠕蠕有功賜爵濟陽
公加散騎常侍平南將軍

宿沓干為帛貴幢將從征平原有功拜帛威將軍侍御即賜爵
漢安男轉中散遷給事兼領二曹從駕討和龍以功賜奴婢十
七戶

來大千為常侍從征蠕蠕戰功居多遷征北大將軍賜爵廬陵
公和初車駕北伐大千為前鋒大破虜軍後吐京胡反以大
千為都將討平之吐京卒喪還停於平城太武出還見而問之
左右以對太武悼歎者良久詔曰大千忠勇盡節功在可嘉今
聽其葬入殯城內贈司空

周觀為北鎮將軍太武初從討蠕蠕以軍功進為都副將鎮雲
中神麤中又討蠕蠕大獲增爵為侯從征平涼進爵金城公遷
為都將從破離石胡加散騎常侍

斛斤為都將擊大檀大破之還至渴侯山遂討東部高車於

已入賊又征平涼有功太武將拜太肥為王遇疾而卒追贈中山王

于栗磾自道武登國初為冠軍將軍與寧朔將軍公孫蘭領步騎二萬潛自大原從韓信故道開井陘路襲慕容寶於中山既而車駕後至見道路脩理大悅即賜其名馬趙魏平定道武置酒高會謂栗磾曰卿即吾之黥彭也大賜金帛明元永興中閔東群盜大起西河反栗磾受命征伐所向皆平即以本號留鎮平陽尋轉鎮遠將軍河內鎮將賜爵新城男奚斤之征帟牢別率所部攻王洸之於金墉洸之棄城遯走遷豫州刺史進爵新安侯太武之征赫連昌栗磾與宋兵將軍周幾襲陝城乘勝長驅仍至三輔進爵為公加安南將軍平統萬遷蒲坂鎮將後遷鎮南將軍卒賜東園秘噐朝服一具衣一襲贈太尉

公陸真為內二郎數從征伐所在摧鋒陷陣前後以功屢受賞賜太武大平真君中從討蠕蠕以功賜爵閔內侯宋將王玄謨寇滑臺真從太武討之至江真再破其軍拜建武將軍石城子還攻盱眙真功居多遷給事中

陳建為下大夫內行長太武討山胡白龍建以身捍賊殺賊數人太武壯之賜戶二千

司馬悅為鎮遠將軍豫州刺史悅與鎮南將軍元英攻義陽克之以悅為征虜將軍郢州刺史時梁武帝遣其豫州刺史馬仙琕等率衆一萬於三閔起城及其輔國將軍濟陰太守薊沛精卒一十成之悅令西閔統軍諸靈鳳奄擊敗之詔曰司馬悅首

計和陽征畧有捷且違京况又屢請入朝可遂此志聽其赴闕
尋詔以本將軍為豫州刺史論義陽之勲封漁陽縣開國子食
邑三百戶

司馬天助為平東將軍破宋將閻萬齡軍前後多所虜獲拜侍
中都督青徐兗三州諸軍事

李韶字元伯呂荀兒反於秦州除為撫軍諸道都督行秦州事
與右衛將軍元麗率衆以討之尋即真璽書勞勉

陸侯為龍驤將軍與西平公安頡督諸軍攻帟牢克之賜爵建
葉公拜冀州刺史又為安鎮大將追討叛羗金崖等皆獲之徵
還京師轉外都大官文成踐祚拜征西大將軍進爵東平王

毛循之為吳兵將軍領步兵校尉從太武征平涼有功遷散騎
常侍前將軍又加冠軍將軍從討和龍別破三堡賜奴婢牛羊
羅斤為平西將軍平涼州攻城野戰多有克捷以功賜爵帶方

公
伊馱為殿中尚書常典衛宿從太祖幸瓜步頻有戰功進爵鎮
軍將軍

荀頹為中散從太武南征為前鋒子都將每臨敵對陣常先登
陷陣帝至江賜爵建德男加寧遠將軍

韓茂為帟賁中郎將從太武征赫連昌以功賜茂爵蒲陰子加
強弩將軍遷侍輦郎又從征統萬太破之及從平平涼茂所衝
莫不應弦而殪由是太武壯之拜內侍長進爵九門侯從征蠕
蠕大捷戰功居多遷司衛監錄前後功拜散騎常侍殿中

尚書進爵安定侯

呂溫為幢將從太武征赫連昌先登陷陣每戰必捷以功拜宣威將軍奉都尉

尉眷為安北將軍出鎮北境與平陽長孫翰擊蠕蠕別帥大獲而還又擒赫連昌以功拜寧遠將軍加散騎常侍進爵源陽公又從征和龍督萬騎前驅慰喻降二千餘尸尋為假節加侍中都督豫洛二州及河內諸軍事安南將軍開府鎮帛牢又張掖王禿髮保周之反也率師討殺之詔眷留鎮涼州加都督涼沙河三州諸軍事安西將軍領護戎校尉轉敦煌將文成時率師北擊伊吾剋其城大獲而還尋拜侍中大尉進爵為王文成以眷元老賜杖履上殿和平四年薨文成悼惜之贈大將軍

司馬楚之為征南將軍徵入朝會南藩諸將表宋文帝欲來侵以楚之為使持節安南大將軍封琅邪王屯潁州以拒之其長史臨邑子步還表曰楚之渡河百姓思舊義衆雲集汝潁以南望風翕然迴首革面斯誠陛下順天應人聖德廣被之所致也道武太悅璽書勞勉賜前後部鼓吹後為鎮西將軍雲中鎮大將在邊二十餘年以清儉著聞文成和正五年卒帝悼惜之贈都督梁益秦寧四州諸軍事征南大將軍領護西戎校尉揚州刺史陪葬金陵

李寶文成初代司馬文思鎮懷荒授鎮北將軍大安五年薨年三十五詔賜命服一襲贈以本官

于洛跋為外都大官文成詔與南陽王惠壽督四州之衆討平

隋西府各王景文等拜侍中殿中尚書

呂洛跋文成未為平原鎮將擊宋將張永於武原大敗之賜爵成武侯加建義將軍

慕容白曜獻文時為征南大將軍擊降宋青州刺史

沈文秀以功拜都督青徐東齊州諸軍事開府青州刺史

尉撥為涼州軍將界休縣男擊吐谷渾以功進爵為子遷杏城

鎮將大收民和文成以撥清平有惠績賜以衣服獻文即位為

北征都將南攻懸瓠破宋將米湛之水軍三千人拜懸瓠鎮將

加員外散騎常侍進爵安城侯獻文嘉其聲效復賜衣服

源賀自太武時為龍驤將軍從擊叛胡白龍又討吐京胡皆先

登陷陣進號平西將軍太武征涼州以賀為鄉導陳攻戰之計

賀率精騎歷諸部招慰下三萬餘落涼州平遷征西將軍進號

西平公又從征蠕蠕討蓋吳諸賊皆有功拜散騎常侍文成時

出為征南將軍冀州刺史封隴西王孝文時上書以年老稱病

乞骸骨許之又給衣藥珍羞太和元年二月療疾於溫湯孝文

遣使者屢問消息太醫視疾三年秋卒賜侍中太尉隴西王印

級贈雜絹五百疋賜溫涼車及命服溫明秘噐陵葬於金陵

于烈為領軍孝文詔以本官從征荆沔加鼓吹一部宛鄧既平

車駕還洛論功加散騎常侍金紫光祿大夫

畢衆敬為寧南將軍兖州刺史獻文皇興二年朝京師因留之

賜甲第一區後孝文太和中以篤老乞還桑梓引見於皇信堂

賜酒饌車一乘馬三疋絹二百疋勞遣之及卒詔於兖州賜

帛二千足以供葬事

奚康生以中堅將軍時吐堅胡反康生拒戰破之遷為統軍又擊殺齊將張伏護賞帛一千疋頻戰再退其軍賞三階帛五百疋又齊將張叔業圍過陽勅康生馳往赴援一戰破之賞二階帛一千疋又拔梁食合肥洛口三戍以功遷征虜將軍封安武縣開國男食邑一百戶出為南青州刺史梁遣軍主徐濟寇邊康生率將出討破之生擒濟賞帛千疋又以梁副將張惠紹寇徐州詔康生為武衛將軍一戰敗之還京召見宴會賞帛千疋賜驊騮御胡馬一疋出為平西將軍轉涇州刺史時梁直閣將軍徐玄明戍於郁州殺其刺史張稷以城內附孝文詔遣康生迎接賜細御銀纏槩一張并棗柰果面勅曰果者果如朕心棗者早遂朕意

劉昺為使持節都督吳越楚彭城諸軍事大將軍固辭詔不許又賜布千疋及發孝文親餞之命百僚贈昺又以其文集一部賜昺孝文因以所製文筆示之謂昺曰時契勝殘事鍾文業雖則不學欲罷不能脫思一見故以相示雖無足味聊復為笑耳其重昺如是又為都督大將軍特給班劍二十人太和二十一年四月卒於彭城孝文為之舉哀給溫明秘噐錢百萬布五百疋蠟三百斤朝服一具衣一襲贈假黃鉞太傅領揚州刺史加以殊禮九錫給前後部羽葆鼓吹依晉琅邪武王佑故事揚播為龍驤將軍與陽平王躋等出漠北擊蠕蠕大獲而還孝文嘉其勲賜奴婢十口遷武衛將軍復擊蠕蠕至居然山而還

除左將軍尋假前軍隨車駕南討擁衆濟淮孝文甚將壯之賜爵華陰子尋除右衛將軍後從駕討崔惠景於鄧城破之進號平東將軍

呂羅漢為羽林中郎初太武時上郢休官呂豐屠各王為逆羅漢頻破賊軍以功遷羽林中郎幢將加建威將軍後為秦益二州刺史大破仇池氏羗孝文詔曰其所得口馬便勅領納其馬付都牧口以賜卿

陸叡為北部長孝文太和八年正月叡與隴西公元琛並持節為東西二道大使褒善罰惡殷聞京師正月詔賜叡夏服具後以叡為北征都督擊蠕蠕大破之遷侍中都督尚書時蠕蠕又犯塞詔率騎五千以討之蠕蠕遯走擒其帥赤河突加散騎常

侍又為使持節鎮北大將軍與陽平王躋並為都督領軍將軍斛律桓等北征三道諸軍事步騎十萬以討蠕蠕叡以下各賜衣物布帛孝文親幸城北訓誓群帥除尚書領衛將軍太破蠕蠕而還

薛裔為都將討秦州反賊支酉生擒斬之除立忠將軍王仲興為折衝將軍屯騎校尉又命率千餘騎破賊於鄧城除振威將軍越騎校尉賜帛千疋李佐假平遠將軍統軍時梁新野太守劉忌憑城固守佐率所

領攻拔之以功封涇陽縣開國子邑三百戶宇文福為征南都將孝文時擊齊有功授顯武將軍尋除恢武將軍北征都將特賜戎服破蠕蠕別部斬獲萬餘還除都收給

事及孝文南詔福與右衛將軍楊播為前軍擊齊軍大奔賜爵
昌黎伯宣武景明初為平遠將軍進計於都督彭城王勰遂令
福攻建安建安降以勲封襄樂縣開國男食邑二百戶

源懷宣武時為車騎大將軍正始元年蠕蠕南寇常代詔懷以
本官加使持節前出據北蕃賜馬一疋細鎧一具御稍一枚懷
至雲中蠕蠕亡遯又武興氏王楊紹先叔集起反叛詔懷使持
節侍中都督平氏諸軍事以討之三年六月卒詔給東園秘器
朝服一具衣一襲錢二十萬布三百疋蠟三百斤贈司徒
長孫稚為鎮西將軍討蜀都督頻戰有功除平東將軍

蕭寶寅除使持節都督揚南徐兗三州諸軍事鎮東將軍揚州
刺史丹陽郡開國公齊王配兵一萬令且據東城乃備禮榮授
賜車馬什物給帑賁五百人事從豐厚及壽春之戰勇冠諸軍
既還諸師改封梁郡開國公食邑八百戶

薛真度自孝文時為假節冠軍將軍真度每敵計於孝文勸先
取樊鄧後攻南陽故為孝文所賞賜帛一百疋又加持節正號
冠軍改封臨津縣開國公食邑三百戶至宣武時除平南將軍
揚州刺史又以年老聽子懷吉以本官隨行梁豫州刺史王超
宗率衆圍逼小現真度遣兼統軍李叔仁等率步騎擊破之還
朝除金紫光祿大夫加散騎常侍又改封敷西縣永平中卒購
帛四百疋朝服一襲贈左光祿大夫

畢祖朽為寧朔將軍時梁將蕭及等寇兗州祖朽擊討以功封
南城縣開國男食邑二百戶

畢祖暉為平西將軍幽州刺史孝明正光五年州民反招引隴
賊攻逼祖暉以全城之勲封新昌縣開國子食邑四百戶

揚大眼為統軍從孝文征宛葉穰鄧九江鍾離之間勇冠六軍
宣武初裴叔業以壽春內附大眼率衆先入以功封安戎縣開
國子食邑三百戶除直秘閣將軍尋加輔國將軍游擊將軍出
為征虜將軍荊州刺史

崔延伯為鎮南將軍行岐州刺史假征西將軍賜驛騾一疋孝
明正光五年秋以往在揚州建淮橋之勲封當利縣開國男食
邑二百戶尋贈邑二百戶改封新豐進爵為子

田興宗為征虜將軍遣戍主竒道顯擊揚僧遠軍破之進號平
南將軍宣武又詔興宗綏防夔楚加安南將軍僧封一百戶賜
帛二千疋

王肅為平南將軍肅至義揚頻破齊軍降者萬餘孝文遣散騎
侍郎勞之以功進號平南將軍賜駿馬一疋除持節都督豫東
豫鄆三州諸軍事又以破齊將裴叔業功進號鎮南將軍加都
督豫南兗東荆東豫四州諸軍事封汝南縣開國子食邑二百
戶加鼓吹一部宣武時拜使持節都督江西諸軍事車騎將軍
肅進師討擊齊軍於死帟大破之肅還京師宣武臨東堂引見
勞之以肅淮南累捷賞帛四千七百五十疋進位開府儀同三
司封昌國縣開國侯食邑八百戶尋以肅為散騎常侍都督淮
南諸軍事揚州刺史景明二年薨於壽春宣武為舉哀詔曰肅
奄至不救痛惋兼懷可遣中書侍郎賈思伯兼通直散騎常侍

撫慰厥孤給東園秘器朝服一襲錢三十萬帛一千疋布五百疋蠟三百斤并問其卜遷遠近尋遣侍御史一人監護喪事務令優厚又詔曰死生動靜卑高有域勝達所居存以崇顯故杜預之歿寔於首陽司空李仲覆舟是託顧瞻斯所誠亦二代之九源也肅誠義結於二世英惠符於李杜平生本意願結金陵既有宿心宜遂先志其令葬於中預兩墳之間使之神游相得也贈侍中司空本官如故孝明初詔為肅建碑銘

刑巒為安東將軍豫州城民白早生殺刺史司馬悅以南城入梁詔巒持節率羽林精騎以討之封平舒縣開國伯食邑五百戶賞宿豫之功也又詔加巒使持節假鎮南將軍都督南討諸軍事征南將軍既平豫州振旅還京宣武臨東堂勞之遷殿中尚書加撫軍將軍延昌三年暴卒詔賜帛四百疋朝服一襲贈車騎大將軍瀛州刺史

李平為使持節都督北討諸軍事鎮北將軍行冀州事時王愉反於信都故宣武詔討平之臨武乾殿勞遣平既擒愉冀州平宣武遣兼給事黃門侍郎秘書丞元梵宣旨慰勞又梁遣其左游擊將軍趙悅祖偷據西峽石衆至數萬以逼壽春宣武詔平為鎮東大將軍討之又詔平長子獎以通直郎從賜平縑綿百段紫納金裝衫甲一領賜獎縑布六十段絳納襖一領父子重列拜受家庭觀者榮之及平破梁軍斬祖悅送首於洛以功遷尚書右僕射加散騎常侍將軍如故

李處為長樂太守延昌初冀州大乘賊起令處以本官為副將

與都督元暹討平之遷後將軍後又追論平冀州之功賜爵高平男

崔敬邕為左中郎將隨中山王英南討以功賜爵臨淄侯

李順為前將軍初從太武攻統萬赫連昌昌出逆戰順督勒士衆破其左軍及克統萬至京論功以順為給事黃門侍郎賜奴婢十五戶帛千足

李憲為兵部尚書撫軍將軍孝明孝昌初元法僧據徐州反叛詔憲為使持節假鎮東將軍徐州都督與安豐王延明臨淮王或等討之會梁武遣其豫章王綜據彭城俄而綜降徐州既平詔遣兼黃門侍郎常景詣軍慰勞賜憲驎馬一疋仍除征東將軍揚州刺史淮南大都督

董紹為平西將軍孝明以紹拒蕭寶寅之功賞新蔡縣開國男食邑二百戶

崔孝芬孝明時為龍驤將軍時荊州刺史李神携為梁遣將軍攻圍詔孝芬為刺史以代神携乃遣弟孝直輕兵在前出賊不意賊便奔散人還安堵孝明嘉勞之并賞馬及綿絹等物

伊盆生為統軍累有戰功為名將以功賜爵平城子孝明神龜中為右將軍後除安西將軍每戰克捷進號征西將軍

崔模為別將及蕭寶寅討閼隴引模為征西副將屢有戰功除持節光祿大夫都督別道諸軍事加安東將軍萬俟醜奴遣將郝帊南侵模攻破其營擒帊以功封槐里縣開國伯邑五百戶揚津為撫軍將軍出據靈丘而賊率鮮于修禮起於博陵定州

危急逐迴師南赴始至城下營壘未立而州軍新敗津以士衆勞疲移軍入城其後賊攻州城津出戰斬賊帥詔除衛尉卿既而杜洛周圍州城津盡力捍守詔加衛將軍封開國縣侯食邑一千戶

崔元珍為平陽太守以頻破胡賊郡內以安孝明武泰初改郡唐州仍除元珍為刺史加右將軍以破胡賊賜爵涼城侯

宇文延以孝文孝昌中授假節建威將軍西道別將赴援隴有戰功除員外散騎常侍

李崇自孝文時為都督隴右諸軍事擊氐楊靈珍從弟建軍於龍門破之靈珍走奔漢中孝文在南陽覽表大悅曰使朕無西顧之憂者李崇之功也以崇為都督梁秦二州諸軍事孝明時

累遷左衛將軍追賞平氐之功封魏昌縣開國伯食邑五百戶李神為右衛將軍行相州刺史時葛榮克斤民多逃散神撫勞兵民小大用命會余朱榮擒葛榮於鄴西事平除車騎將軍以功進爵為公增邑八百通前一千戶

裴衍為征虜將軍梁遣將曹敬宗寇荊州詔衍為別將假前將軍解荊州圍除使持節散騎常侍平東將軍假安東將軍北道都督鎮鄴西之武城封安陽開國子邑三百戶時相州刺史安樂王鑿叛逆詔衍討平之除撫軍將軍相州刺史假鎮北將軍爾朱天光為鎮東將軍時元顥入洛并肆不安天光至并州部分約勒所在寧輯顥破尋還京師遷驃騎將軍加散騎常侍改封廣宗郡公增邑一千戶

李神雋自宣武時為前將軍荊州刺史時梁將曹景宗來寇攻圍積時神雋戮力固守至莊帝時追論固守荊州之功封千乘縣開國侯食邑一千戶

陸希質為龍驤將軍膠州刺史時梁將侵州界希質討破之轉建州刺史

楊侃為右將軍岐州刺史時元顥內副莊帝詔以本官假撫軍將軍為都督率眾鎮太梁未發詔行北中即將帝至建州叙行從功臣自陽城王徽已下凡十人並增三階以侃河梁之誠特加四階侃固辭乞同諸人又乃見許於是除鎮軍將軍度支尚書兼給事黃門侍郎敷西縣開國公食邑一千戶又南渡破元顥于領軍將軍冠授擒之顥便南走車駕入都侃解尚書正黃門加征東將軍金紫光祿大夫以濟河之功進爵濟北郡開國公增邑五百戶

辛纂為征虜將軍兼尚書仍行臺後大都督費穆擊梁將曹義宗擒之入朝言於莊帝稱纂固節危城宜蒙爵賞以勸將來帝乃下詔慰勉之尋除持節平東將軍中即將賜絹五十疋金裝刀一口

張煜為冠軍中散大夫後為別將隨長孫雉西征轉平西將軍太中大夫為閩西都督以功封長平縣開國男食邑二百戶

斛斯椿為平北將軍從大將軍尔朱荣平葛榮以功除上黨太守

賀拔勝孝武時為驃騎大將軍攻拔梁下澆戎使人誘勸諸蠻

皆率其種落歸款漢南太駭馮翊安定沔陽並平之進位尚書
令進爵琅邪公又為撫軍將軍大都督出井陘鎮中山元顥入
洛勝與尔朱兆破擒顥息冠受及其都督陳思保莊帝還宮以
功贈邑六百戶

賀拔岳為車騎將軍隸尔朱天光為左相大都督討萬俟醜奴
擒蕭寶寅王慶雲天光雖為元帥而岳效居多加車騎將軍增
邑二千戶進封樊城縣開國伯又孝莊時為衛將軍左都督大
破赤水蜀賊軍威大振時萬俟醜奴自率大眾圍岐州岳擊退
之遂擒醜奴三秦河渭瓜涼鄯州咸來歸款岳功居多進封清
水公侍中給後部鼓吹進位開府雍州刺史

侯莫陳悅為征西將軍尔朱天光之討關西以悅為右相大都
督西代克獲皆與天光賀拔岳略同勞効除鄭州刺史

侯淵為中軍副都督常從征代屢有戰功孝莊即位領左右封
厭次縣開國子邑四百戶後從尔朱榮討葛榮於滏口戰功尤
多榮啟淵為驃騎將軍燕州刺史淵又進討韓樓追擒之以勲
進爵為侯增邑八百戶

樊子鵠為平北將軍莊帝永安中以招納叛蜀數萬口進封中
都縣開國公通前邑千戶元顥入洛薛脩義及降蜀陳雙熾等
受顥處分率眾攻州城子鵠討破之以功拜撫軍將軍尋徵
授西荊州大中正後兼右僕射為行臺都買智等討吕文欣於
東徐州平之還除平騎將軍左光祿大夫進封南陽郡開國公
增邑六百又假驃騎將軍都督二豫州三郢州諸軍事兼尚書

右僕射子鵠到相州又勅賚絹五百疋及趙道延叛於荊州詔子鵠通三鴟道而還遭母憂去職廢帝聞其在洛無宅凶禮不周賚絹四百疋粟五百石

源子恭初自孝明正光中為冠軍將軍時秦益氏反詔子恭持節為都督河澗王琛軍司馬討之事平仍行南秦州事及六鎮北道大都督進封臨汝縣開國公增邑千二百戶

源子雍為散騎常侍使持節假撫軍將軍都督兼行臺尚書破賊帥紇單步胡提於曲沃堡孝明璽書勞勉之子雍在白水郡復破阿非軍於白水郡多所斬獲詔遣使勞勉除中軍將軍金紫光祿大夫給侍中黃門郎封樂平縣開國公食邑一千戶還洛以葛榮文逼信都詔假子雍征北將軍為北討都督時相州

刺史安樂王據鄴反勅子雍與都督李神軌討平之改封陽平縣開國公增邑千五百戶進號鎮東將軍

甄密孝明末為冠軍將軍時賊帥葛榮侵擾河北裴衍源子雍敗沒人情不安詔密為相州行臺援守鄴城莊帝以密全鄴之勲賞安市縣開國子食邑三百戶

鄭先護孝莊時為前將軍廣州刺史後元顥入洛先護出城拒戰莊帝還京嘉其誠節除使持節散騎常侍都督襄廣二州諸軍事鎮南將軍刺史如故進爵郡公

費穆為輔國將軍孝明孝昌中二絳蜀叛以穆為都督討平之拜前將軍散騎常侍遷平南將軍光祿大夫又兼武衛將軍討破妖賊李洪於閔口之南遷金紫光祿大夫正武衛將軍及介

朱榮入洛莊帝詔穆為使持節南將軍都督南征諸軍事生擒
梁將曹義宗以功遷衛將軍進封趙平郡開國公增邑一千戶
爾朱榮為冠軍將軍時乞步落堅胡劉阿如等作亂瓜肆勅勒
北列步若反於沃陽榮並滅之以功封安樂縣開國侯食邑一
千戶

爾朱兆為車騎將軍元顥之屯於河橋兆進破安封王延明顥
於是退走莊帝還宮論功除散騎常侍車騎大將軍儀同三司
增邑八百戶為汾州刺史復增邑一千戶尋加侍中驃騎將軍
又增邑五百戶

及以子恭兼給事黃門即持節慰勞還拜河內太守加後將軍
平絳蜀及丹谷清蘆二路沮澁不通以子恭為當郡別將俄而
建興蜀復反相與連勢進子恭為持節散騎常侍假平北將軍
征建興都督仍兼尚書行臺與正平都督長孫稚合勢進討大
破之事平除平南將軍豫州刺史尋加散騎常侍撫軍武泰初
郢州刺史元顥達以城降梁詔子恭擊

將夏侯夔及夏侯

亶等衆加鎮南將軍又兼尚書行臺擊斬梁軍主胡智達等及
元顥入洛也加子恭車騎將軍未幾顥敗莊帝還洛進征南將
兼右僕射假車騎將軍後加散騎常侍右光祿大夫給侍黃門
侍郎仍本將軍錄其前後征討功封臨穎縣開國侯食邑六百
戶出帝永熙中入為吏部尚書加驃騎大將軍以子恭前在豫
州戰功追賞襄城縣開國男食邑二百戶

世... 出帝... 將軍... 無... 人... 重... 唯... 新刊監本冊府元龜卷第三百八十一

新刊監本冊府元龜卷第三百八十二

將帥部四十三

褒異第八

北齊庫狄干初為後魏雲中刺史後從神武起兵破四胡於韓陵封廣平縣公

堯雄後魏時孝莊時為宣威將軍從叱列延討劉灵助平之拜鎮東將軍燕州刺史封城平縣伯食邑五百戶

高昂後魏廢帝時為使持節冀州刺史隨神武討尔朱兆大敗之尋侍開府進爵為侯邑七百戶

高季式東魏孝靜時為侍中都督從清河公岳破蕭明於寒山敗侯景於渦陽除衛尉卿復為都督從清河公攻王思政於頽

州拔之以前後功加儀同三司文宣天保初封乘氏縣子
庫狄盛為伏波將軍每從神武征討以功封行唐縣伯累遷特
進卒贈使持節都督朔瀛趙幽安五州諸軍事大尉朔州刺史
薛孤延為征虜將軍永固侯隸神武為都督從破爾朱兆於廣
阿因從平鄴以功進爵為公累遷常州刺史從破周軍於印山
進爵為公封千戶又從討破山胡西攻王壁入為左衛將軍改
封平秦郡公

韓軌為鎮城都督從神武破爾朱兆於廣阿封平昌縣侯仍督
中軍從破爾朱兆於赤嶺再遷秦州刺史頻以軍功進封安
德郡公後拜大司馬從文宣征蠕蠕在軍暴薨贈假黃鉞太宰
大師

高市貴為晉州刺史從神武破紇豆陵於并州有功除驃騎大
將軍儀同三司封常山郡公邑一千五百戶又隨大都督婁昭
討平樊子鵠除西兗州刺史

潘樂初隨後魏爾朱榮為別將討元顥以功封敷城縣男神武
出牧晉引樂為鎮城都將從破爾朱兆於廣阿進爵廣宗縣伯
累以軍功拜東雍州刺史

段榮為鎮圻將軍定州刺史時神武攻鄴未剋榮轉輸軍資無
闕神武入洛論功封姑藏縣侯食邑八百戶轉瀛州刺史後除
山東太守大都督及卒贈使持節定冀滄瀛四州諸軍事定州
刺史大尉尚書左僕射

堯傑為給事中羽林監從神武破紇豆陵少藩有功除鎮東將

軍封樂城縣伯食邑百戶出為滄州刺史又從神武平鄴及破
尔朱兆進爵為都督隨樊子鵠討元樹平之除南兗州刺史
蔡攜為平遠將軍帳內別將從神武破葛榮除諫議大夫又從
平元顥封烏洛縣男

尉長命為安南將軍樊子鵠據兗州反除東南道大都督與諸
軍討平之轉鎮范陽城就拜幽州刺史督安平二州事

王懷為大都督從神武討尔朱兆於廣阿破之除安北將軍蔚
州刺史

莫多婁貸文為武賁中郎將虞侯大都督從神武擊尔朱兆於
廣阿有功加前將軍封石城縣子邑三百戶又從破四胡於韓
陵進爵為侯後除晋州刺史汾州胡賊為寇竊高祖往討焉以
貸文為前鋒每有戰功還賚奴婢二千人牛馬各五十布一千
疋仍為東陝東雍晋秦五州大都督

可未渾元為車騎大將軍討西魏儀同金祚黑智達於東雍擒
之遷并州刺史又與諸將征伐數有克捷降下天保初封扶風
王頻從文宣討山胡茹茹累有功累遷太師薨贈假節太宰錄
尚書

劉豐為汾州刺史與諸將征伐平定寇乱又從神武破周文於
河陰豐功居多神武執手厚賞入為左衛將軍破六韓常為撫
軍與諸將征討又從神武擊諸寇累遷車騎大將軍開府封平
陽公除汾州刺史

金祚為車騎將軍印山之戰以大都督從神武破西軍除華州

刺史加開府儀同三司別封臨濟縣子

叱列平為武衛將軍隨尔朱榮破葛榮平原顓遷中軍都督右衛將軍封慶陶縣伯邑七十戶後為東郡大行臺從神武平尔朱兆又從領軍婁昭討樊子鵠平之授使持節華州刺史

步大汗薩為揚武將軍從尔朱榮討平葛榮累功加鎮南將軍堯奮為中堅將軍安夷縣子從神武平鄴破尔朱兆等進爵為伯出為南汾州刺史破西魏行臺薛崇禮衆轉驃騎將軍左光祿大夫潁州刺史卒贈兗豫梁三州諸軍事司空兗州刺史

張保洛為奉車都尉隸神武為都督從討步蕃又為帳內從破尔朱兆於廣阿遷右將軍中散大夫又從圍鄴城既拔除平南將軍光祿大夫從破尔朱兆等於韓陵因隨神武入洛加安東

將軍封昌平縣簿家城鄉男邑一百戶

封延之神武以為大行臺左光祿以都督從婁昭討樊子鵠事平除青州刺史

李景道為龍驤將軍力戰尔朱兆有功除使持節大都督左將軍進爵昌平郡公增邑三百戶

盧勇行洛州事時官軍圍廣州數旬未拔勇率騎擒西魏儀同程華降廣州守將洛超神武以勇行廣州事授儀同三司揚州刺史率贈物之外別賜布絹四千疋

斛律金後魏孝莊時為寧朔將軍屯騎校尉從破葛榮元顓頻有戰功加鎮南太將軍神武南攻鄴留金守信都別討李循破之加右光祿大夫會神武於鄴仍從平晉陽追滅尔朱兆以金

冊府元龜
為汾州刺史大都進爵為侯及周文帝入洛陽神武使金統劉
豐步大汗薩等步騎數萬守河陽城以拒之神武到仍從破走
軍還除大司馬改封石城郡公邑一千戶轉第一領民酋長文
襄時為肆州刺史西魏九曲戍將馬紹隆據險要聞金破之以
功封安平縣男文宣受禪封咸陽縣郡王刺史如故天保元年
冬朝晉陽宮金病帝幸其宅臨視賜以醫藥中使不絕病愈還
州三年就除太師帝征奚賊金亦從行軍還帝幸肆州與金宴
射而去四年解州以太師還晉陽車駕復幸其第六宮及諸王
盡從置酒作樂極夜方罷遷左丞相又詔金朝見聽步挽車至
階武成登極禮遇彌重及卒武成舉哀西堂後主又舉哀於晉
陽宮贈假黃鉞使持節都督朔定冀并瀛青齊滄幽肆晉汾十

二州諸軍事相國大尉公錄尚書朔州刺史

宋顥為神武行臺右丞樊子鵠據兖州反前西兖州刺史乙瑗
等屯據五梁以應子鵠神武以顥行西兖州事率衆討破之拜
西兖州刺史

慕容紹宗為西南道軍司討破宜陽叛民李延孫軍還行揚州
刺史尋行豫州刺史時西魏將獨孤如願據洛州神武命紹宗
率兵赴武牢平之進爵為公

薛循義為衛將軍行晉州事西魏儀同長孫子彥圍逼城下循
義開門伏甲以待於是遁去神武嘉之就拜晉州刺史南汾專
雍陝等州行臺賞帛千疋後為衛尉卿時山胡侵亂晉州遣循
義追討破之進爵正平郡公加開府

綦連猛為征虜將軍中散大夫東魏孝靜元象元年從神武向河陽與周文帝戰於印山二年除平東將軍中散大夫其年又轉中外府帳內都督賞印山之功封廣興開國君文宣天保元年除都督東秦州刺史隨斛律敦比征茹茹大破之賚帛三百段

杜弼為衛尉卿會梁遣貞陽侯蕭淵明等入寇彭城大都督高岳行臺慕容紹宗率軍討之詔弼為軍司攝臺左右臨發文祥賜胡馬一疋語弼曰此厩中第二馬孤常自乘騎今方遠別聊以為賜

庫狄迴洛後魏莊帝時為別將從神武破四胡於韓陵以軍功補都督加後將軍太中大夫封順陽縣子邑四百戶遷左箱都督征山胡為先鋒斬級除朔州刺史破周文於河陽轉授夏州刺史印山之役力戰有功增邑通前七百戶文驤嗣事從平頽州文宣天保初除建州刺史

元景安為都督領親信都印山之役力戰有功賜爵西平縣都鄉男天保三年加征西將軍從破庫莫奚於代州轉暢嶺左右大都督四年從討契丹於黃龍領北平太守後頻從駕再破茹茹遷武衛大將軍又轉領左右大將軍兼七兵尚書

獨孤永業為行臺尚書時周人逼洛每為先鋒以寡敵衆周人憚之加儀同三司賞賜甚厚

暴顯為大將文宣時與高岳南臨漢水攻下梁西楚州師還加開府儀同三司賞帛五百疋

盧潛孝昭時為揚州道行臺左丞時陳秦雍二州刺史王奉國合州刺史周令珽前後入寇潛輒破平之以功加散騎常侍食彭城郡遷合州刺史

段韶自神武建義初領親二都督攻劉誕於鄴及韓之戰韶督率所部先鋒陷陣尋從神武出晉陽追尔朱兆於赤碭嶺平之以軍功封夏洛縣男又從襲取夏州擒斛律弥娥哭加龍驤將軍諫議大夫神武為西魏將賀拔勝軍所逼韶引弓反射斃其前驅西軍退賜馬并金進爵為公文襄還鄴韶留守首陽文襄還賜女樂十數人金十斤繒布称是方長樂郡公文宣天保中梁將東方自額潛至宿預招誘邊民殺害長吏淮泗擾動韶討之江淮帖然文宣嘉其功詔賞吳口七十人封平原郡王武

成大寧二年除并州刺史高歸彥作亂冀州詔韶與東安王婁叡率衆討平之遷大傅賜女樂十人并歸彥果園一千畝是年十二月周武帝遣將率羗夷與突厥合衆晉陽韶戰大破之武成加其功別封懷州武德郡公進位太師後主武平二年二月周師來寇遣韶與右丞相斛律光太尉蘭陵王長公同往捍禦軍還以功別封樂陵郡竟以疾薨帝舉哀東堂賜物千段温明秘噐温凉車軍校之士陳衛送至平息墓所發卒起冢贈假黃鉞使持節都督朔并定趙冀滄齊兗梁梁洛晉建十二州諸軍事相國大尉錄尚書事朔州刺史

慕容儼後魏孝明時為河間王元琛左廂軍主率衆救壽春以功賞帛五十疋累遷安東將軍高梁太守轉五城太守東雍州

刺史沙宛之敗西魏荊州刺史郭鸞率衆攻儼拒守二百餘日
晝夜力戰大破鸞軍追斬三百餘級及擒西魏刺史郭他時諸
州多有翻陷唯儼完守進號鎮南將軍又從神武攻王瑩賜帛
七百疋并衣帽等文宣天保初為開府儀同三司鎮郢州城大
破梁軍除趙州刺史進爵為公賜帛二百疋錢十萬至孝昭皇
建功別封陽城郡公後主天統四年又別封寄民縣公并賜金
銀酒鍾各一枚胡馬一疋

皮景和後主武平中為領軍將軍陳將吳明徹圍壽陽勅令景
和與賀拔休思等赴救景和以討破胡軍始喪敗怯懦而不敢
進頓兵淮口頻有勅使催促然始渡淮屬壽陽已陷狼狽北還
器械軍資大致遺失陳將蕭摩訶率步騎於淮北倉陵城截之
景和得整士卒旋逆戰摩訶退歸是時拒吳明徹者多致傾覆
唯景和全軍而還留是獲賞除尚書令別封西河郡開國公賜
錢二十萬酒米十車

斛律光為左衛將軍天保三年從文宣出塞光先驅破敵還除
晉州刺史九年又率衆取周絳州白馬澮文翼城等四戍除朔
州刺史武成河清三年冬周遣其柱國大司馬尉遲迥等逼洛
陽光率騎五萬擊敗之文成幸洛陽策勲班賞遷大尉又封冠
軍縣公後主武平二年光大破周柱國章孝寬等軍於平隴封
山郡公增邑一千戶

長孫澄為東征將軍從大祖戰印山進位驃騎大將軍開府孝
閔踐祚拜大將軍義門公為王瑩總管卒自喪初至及葬明帝

三臨之典祝中大夫宇文容諫曰臨臣喪自有節制今乘輿戶
降恐乖禮典帝不從

侯莫陳順為驍衛將軍從太祖征討拜大都督西魏文帝東討
順與太尉王盟僕射周惠達等留鎮長安時趙青雀反盟及惠
達等奉魏太子出魏文帝還執順手曰魏橋之戰卿有殊力便
解所服金鏤玉梁賜之

李弼為秦州刺史從太祖平竇泰先鋒陷敵太祖以所乘驢馬
賜之及泰所著牟甲亦賜之又從平弘農與齊神武戰於涉苑
大破之以功拜特進進爵趙郡公

于謹為閣門大都督從太武征潼關破迴洛城授北雍州刺史
進藍田公後為柱國太將軍率衆出討江陵太祖餞於青泥谷
及立梁宣帝振旅而還太祖親至及第宴語極歡賞謹奴婢一
千口及寶物并金石絲竹樂一部

趙貴為平騎大將軍從太祖復弘農戰沙苑拜侍中驃騎大將
軍開府又從河橋及援王瑩又從戰印山拜柱國太將軍

獨孤信後魏孝文時為武衛將軍孝武西遷信單騎及之於灑
澗孝武歎曰武衛遂能辭父母捐妻子遠來從我世亂識忠臣
豈虛語哉即賜御馬一疋進爵浮陽公時荊州雖陷東魏人猶
戀本朝乃以信兼尚書僕射南道行臺荊州刺史以招懷之信
遂大破東魏將又破諸蠻三荆遂定就拜車騎大將軍

侯莫陳崇為驃騎大將軍從賀拔岳西征定隴右每力戰河橋
崇功多進位柱國

若干惠為中堅將軍徙賀拔岳西征定隴右惠每力戰有功累遷征西將軍魏孝武西遷除右衛將軍就擒竇泰復弘農破沙苑惠每先登陷陣加開府進長樂公又徙太祖戰印山太祖壯之遷司空

怡峯為征虜將軍徙太祖平隴右破竇泰復弘農敗沙苑又與諸將征討每皆剋捷威名大振累遷車騎大將軍開府夏州刺史

劉亮以都督徙賀拔岳西征常先鋒陷陣以功拜大都督及太祖置十二軍諸將將之亮領一軍每征討為騎將以迎魏武功遷左大都督徙擒竇泰復弘農與沙苑之後並力戰有功遷車騎大將軍開府封長廣公亮以勇敢見知為當時名將燕屢陳

謀策多合機宜太祖謂曰卿文武兼資即孤之孔明也出為東雍州史率於州喪還京文帝親臨之泣而謂人曰股肱喪矣腹心何寄令鴻臚卿監護喪事追贈太尉

豆盧寧為別將封河陽伯常徙太祖征討又與諸將破平諸寇累遷大司寇進楚公邑萬戶

楊忠為征西將軍河橋之上忠力戰守橋敵人不得進印山之戰又先登陷陣除侍中驃騎大將軍開府

王盟為積射將軍隨賀拔岳為先鋒擒萬俟醜奴平秦隴常先登力戰拜征西將軍平秦郡守太祖討侯莫陳悅以盟為留後大都督鎮高平悅平原刺史趙青雀之亂以節度關中諸軍出領渭北事平進爵長樂郡公增邑并前二十戶

賀蘭祥為都督徙平侯莫陳悅又迎魏孝武以前後功封撫夷
縣伯邑五百戶仍徙擊潼關獲東魏將薛長儒又攻迴洛城拔
之還拜左右直長進爵為公增邑并前一千三百戶西魏文帝
大統三年又徙于謹攻揚氏壁祥先登克之遷右衛將軍加持
節征虜將軍沙苑之役詔祥留衛京師後以畱守功增邑八百
戶尋除鎮西將軍四年文帝東伐祥以領軍徙戰河橋以功加
使持節大都督八年遷車騎大將軍儀同三司散騎常侍九年
徙太祖與東魏戰於印山進位驃騎大將軍開府儀同三司加
侍中

尉遲綱西魏文帝時為殿中將軍大統元年授帳內都督攻曹
泥破之又徙破竇泰以功封廣宗縣伯邑五百戶仍徙復弘農
克河北郡戰沙苑皆有功河橋之戰綱與李穆等徙太祖力戰
以前後功贈邑八百戶進爵為公仍拜平遠將軍步兵校尉
叱列伏龜後魏孝明時為別將徙長孫稚西征以戰功累遷征
西將軍金紫光祿大夫後還洛授都督後徙太祖征討亟有戰
功西魏文帝大統八年出為北雍州刺史加大都督尋遷位車
騎大將軍儀同三司散騎常侍

閻慶為中堅將軍奉車都尉河橋之役以功拜前將軍太中大
夫遷後將軍封安次縣子邑四百戶及印山之戰先登陷陣拜
撫軍將軍大都督進爵為伯增邑五百戶

達奚武為東秦州刺史齊神武趣沙苑太祖遣武覘之具知敵
之情狀以告太祖太祖深嘉焉遂破之進爵高陽公拜車騎大

將軍太祖援洛陽武攻戰斬其司徒高敖曹遷侍中驃騎大將軍開府後遷上柱國平鄴兼討平寇難賜女樂一部及珍玩物王謙為柱國太將軍討吐谷渾力戰有功是時高祖東征謙又力戰進上柱國益州總管

蔡祐為都督從太祖討侯莫陳悅破之又從迎西魏孝武於潼關以前後功封長鄉縣伯邑五百戶魏文帝太統初加寧朔將軍羽林監尋持節員外散騎常侍進爵為侯增邑一千一百戶從太祖擒竇泰復弘農戰沙苑皆有功授平東將軍太中大夫魏恭帝二年為兵部中大夫江陵初附諸蠻騷動詔祐與大將軍豆盧寧討平之三年拜大將軍給後部鼓吹以前後功增邑并前四千戶

常善為龍驤將軍從太祖平侯莫陳悅除天水郡守魏孝武西遷授武衛將軍進爵武始縣伯增邑二百戶魏文帝大統初加平東將軍進爵為侯擒竇泰復弘農破沙苑累有戰功除使持節衛將軍假驃騎大將軍秦州刺史四年從戰河橋加大都督進爵為公除涇州刺史屬茹茹入寇抄掠北邊善率所部破之拜車騎大將軍儀同三司

辛威為羽林監從太祖迎魏孝武因攻迴洛城功居最魏文帝大統元年拜寧遠將軍增邑二百戶累遷通直散騎常侍進爵為侯增邑三百戶從擒竇泰復弘農戰沙苑並先鋒陷陣勇冠一時以前後功授撫軍將軍錄青紫光祿大夫從于謹破襄城又從獨孤信入洛陽經河橋陣加持節進爵為公增邑八百戶

李賢為宣威將軍時賀拔岳為侯莫陳悅所害太祖西征賢與其弟遠穆等密應侯莫陳崇以功授都督仍守原州及大將軍至秦州悅棄城走太祖以賢為前驅轉戰悅自剄於陣太祖嘉之賞奴婢布帛及雜畜等授持節撫軍大將軍都督魏孝武西遷太祖令賢率騎士迎衛時山東人衆多欲逃歸帝乃令賢以精騎三百為殿衆皆憚之莫敢亡叛封下邳縣公邑一千戶俄授左都督安東將軍還鎮原州西魏文帝大統二年州民豆盧狼害都督大野樹兒等據州城反賢一戰而敗之遷原州長史尋行原州事四年莫折後熾連結賊黨所在寇掠賢擊賊大敗師還以功賞奴婢四十口雜畜數百頭八年授原州刺史十二年隨獨孤信征涼州平之又撫慰張掖等五郡而還俄而茹茹圍逼州城賢追擊補獲不可勝計人得安堵加授使持節車騎大將軍儀同三司十六年遷驃騎大將軍開府儀同三司太祖之奉魏太子西巡也至原州遂幸賢第讓齒而坐行鄉飲酒禮焉其後太祖又至原州令賢乘輅備儀服以諸侯會遇禮相見然後幸賢第勸宴終日凡親旅頌賜有差

李遠為征東大將軍從征竇泰復弘農並有殊勲授都督原州刺史沙苑之後遠功居多除車騎大將軍儀同三司進爵陽平郡公邑三千戶

赫連達為都將從太祖平侯莫陳悅加平東將軍乃賜馬二百疋魏孝武入關褒叙勲義以達首迎元帥救復秦隴進爵魏昌縣伯邑五百戶又破曹泥除鎮南將軍金紫光祿大夫加通直

散騎常侍增邑并前一千戶復從弘農戰沙苑皆有功又增邑
八百戶除白水郡守轉師都督加持節除濟州刺史以達勲望
兼隆乃除雲州刺史進爵為公拜大都督

韓果為宣威將軍從太祖討平侯莫陳悅遷都督賜爵邯鄲縣
男西魏孝武入關封石縣伯邑五百戶文帝大統初進爵為公
增邑通前一千戶加通直散騎常侍從太祖襲竇泰於潼關太
祖依其規畫軍以勝返賞玳瑁金帶一腰帛二百疋授征虜將
軍又從復弘農攻拔河南城獲郡守一人論功為最破沙苑戰
河橋並有功授撫軍將軍銀青光祿大夫增邑九百戶

庫狄昌為衛將軍右光祿大夫太祖迎後魏孝武復潼關封長
樂縣子邑八百戶西魏文帝大統初進爵為公增邑一千戶從

破竇泰授車騎將軍左光祿大夫又從復弘農戰沙苑皆先登
陷陣太祖嘉之授帥都督四年從戰河橋除冀州刺史後於于
謹破胡賊劉平伏於上郡授馮翊太守又之轉河北郡守十三
年錄前後功授大都督通直散騎常侍又從隨公楊忠破蠻賊
田社清昌功為最增邑三百戶拜儀同三司

田弘為都督從太祖復弘農戰沙苑解洛陽圍破河橋陣弘功
居多累蒙殊賞尋授原州刺史太祖在同州文武並集乃謂之
曰人如弘盡心天下豈有不早定即授車騎大將軍儀同三司
武帝天和中為大將軍援宜陽等九城以功增邑五百戶進位
柱國大將軍

尉遲迥初為西魏文帝帳內都督從太祖復弘農破沙苑皆有

功累遷尚書左僕射兼領軍將軍後拜大將軍時梁元帝弟紀
在蜀稱帝迥代破之詔迥為大都督益等十八州諸軍事益州
刺史以平蜀功遣太鴻臚郊勞仍賜袞冕服孝閔踐祚進位柱
國大將軍以迥有平蜀之功同霍去病冠軍之義封寧蜀公爵
邑萬戶

梁椿為都督徙太祖平侯莫陳悅拜衛將軍右光祿大夫西魏
文帝大統初進爵欒城伯增邑五百戶出為東郡太守尋進爵
為公遷梁州刺史徙復弘農戰沙苑與獨孤信入洛徙宇文貴
破東魏將堯雄等累有戰功授車騎大將軍儀同三司大都督
徙戰河橋進爵東平公增邑一千戶俄遷侍中驃騎大將軍開
府儀同三司又徙于謹討稽胡劉平伏捧擒其別將劉持塞又

徙獨孤信討岷州羗梁企破之除渭州刺史又徙李弼赴潁州
又從侯景攻陷韓鎮以功增邑四百戶

梁臺為趙平郡太守與太僕石猛破兩山屠者增邑一百戶轉
平梁郡守與刺史史寧討莫折后熾復與于謹破劉平伏錄前
后勲授潁州刺史累遷車騎大將軍孝明帝徙賀蘭祥征兆陽
先登有功別封綏安縣子邑一千戶

王勇為奉車都尉數徙侯莫陳悅賀拔岳征討勇功居多拜別
將太祖引為帳內直盪都督前後將軍徙擒竇泰復弘農戰沙
苑所當必破太祖嘆其勇敢賞賜特隆進爵為公邑一千五百
戶拜鎮南將軍授帥都督徙討趙青平之功論居最除衛大將
軍殷州刺史加通直散騎常侍兼太子武衛率印山之戰勇及

王文達耿貴三人力戰皆有殊勲太祖於是賞帛二千疋令自分之軍還皆拜上州刺史後進侍中驃騎大將軍從柱國趙貴征茹茹破之進爵新陽公增邑通前二千戶

宇文虬為征虜將軍從獨孤信在荊州破梁兵於下澧以功加安西將軍銀青光祿大夫員外直閣將軍閣內都督封安南縣侯邑九百戶及魏孝武西遷為獨孤信帳內都督破田八能及擒東魏荊州刺史辛纂虬功居多尋隨信奔梁魏文帝大統三年歸闕論前後功增邑四百戶進爵為公擒竇泰復弘農及沙苑河橋之戰皆有功增邑八百戶進車騎將軍左光祿大夫七年除漢陽郡守又從獨孤信討梁企破之十二年出為南秦州刺史加車騎將軍儀同三司進驃騎大將軍開府儀同三司追論斬辛纂功增邑千戶

賀若敦為驃騎大將軍時岷蜀初開巴西西人譙淹據南梁與梁西江州刺史共為表裏扇動群蠻太祖令敦率軍討破之進爵武都公邑通前一千七百戶

權景宣為平西將軍祠部郎中從太祖拔弘農破沙苑皆先登陷陣轉外兵郎中及東魏將王元軌入洛景宣與延孫等擊走之以功授大行臺左丞進屯宜陽攻襄城拔之太祖嘉之徵入朝錄前後功封顯親男邑三百戶

王傑為太祖都督復潼關破沙苑爭河橋戰印山皆以勇敢聞親待日隆賞賜加於倫等除岐州刺史加撫軍銀青光祿大夫進爵為公邑八百戶

宇文測為尚書直事郎中從太祖戰河橋別監李弼軍討白額稽胡並有戰功爵為侯

史寧為賀拔勝大都督率步騎一萬攻梁下澆戍破之封武平縣伯邑五百戶久之遷平騎將軍行涇州事討破賊帥莫折後熾轉通直散騎常侍後為甘涼瓜三州諸軍事每戰茹茹破之前後獲數萬進爵安政郡公及吐谷渾通使于齊寧擊獲之就拜大將軍寧遣使詣太祖請事太祖即以所服冠履衣服及弓箭甲稍等賜寧

陸騰為車騎大將軍與安康賊黃衆寶戰大破之軍還拜龍州刺史後為龍州總管討信州蠻蠻前後破平諸賊凡賞得奴婢八百口牛馬稱是

宇文盛為威烈將軍兼都督從太祖擒竇泰復弘農破沙苑授都督平遠將軍步軍校尉進爵為公增邑八百戶復遷驃騎大將軍開府儀同三司鹽州刺史及楚公趙貴謀為亂盛密赴京告之貴誅授大將軍進爵忠誠郡公除涇州都督賜甲一領奴婢二百口馬五百疋牛羊及庄田什物等稱是

耿豪一名令貴為征虜將軍從太祖擒竇泰復弘農豪先鋒陷陣加前將軍中散大夫沙苑之戰豪殺傷甚多血染甲裳盡赤太祖見之嘆曰令貴武猛所向無前於是進爵為公增邑通前一千五百戶除鎮北將軍金紫光祿大夫南郢州刺史又從太祖戰印山當前者死傷相繼太祖嘉之拜北雍州刺史論前後戰功進授車騎大將軍儀同三司增邑通前一千八百戶進位

侍中驃騎大將軍開府儀同三司及卒太祖痛惜之以本官加朔州刺史

高琳初自後魏孝明正光初起家衛府都督從元天府討刑果破梁將陳慶之以功轉統軍又從尔朱天光破萬俟醜奴論功為最除寧朔將軍奉車都尉魏孝武西遷從入關至漆水為齊神武所追拒戰有功封鉅野縣子邑三百戶進爵為侯增邑四百戶轉龍驤將軍頃之遷平西將軍加通直散騎常侍從太祖破齊神武於沙苑轉安西將軍進爵為公增邑八百戶累遷衛將軍又從擒莫多婁貸文仍戰河橋琳先驅奮擊勇冠諸軍太祖嘉之曰即我之韓白也拜太子左庶子尋以本官鎮王壁復從太祖戰印山除正平郡守加大都督增邑三百戶又擊退齊

將東方老老使人勸琳東歸琳斬其使以聞進使持節車騎大將軍儀同三司散騎常侍除鄜州刺史加驃騎大將軍開府儀同三司侍中孝閔帝踐祚進爵捷為郡公邑一千戶世宗武成初從賀蘭祥征吐谷渾除延州刺史後遷江陵總管抗陳將吳明徹退之詔琳入朝親加勞問進授大將軍仍副衛公直鎮襄州進位柱國及薨贈本官加冀定滄齊等州諸軍事夏州刺史李和初為賀拔岳帳內都督以破諸賊功稍遷北將軍金紫光祿大夫賜爵思陽公

伊婁穆字奴千初為太祖內親信授奉朝請印山之役力戰有功拜為都督丞相府叅軍事累遷撫軍將軍大都督通直散騎常侍常入白事太祖望見悅之字之曰奴千作儀同面見我矣

於是拜車騎大將軍儀同三司賜封安陽縣伯邑五百戶孝閔時累遷金州刺史民部中大夫衛公直出鎮襄州以穆為長史郢州城民王導胃等反穆討平之進為大將軍入為小司馬從柱國李穆平軹關等城賞帛三百疋粟三百石田三百頃揚昭為輔國將軍從燕國公于謹圍江陵紹軍於批門涿矢中股而力戰不衰事平賞奴婢一百口進驃騎大將軍

王雅為都督從太祖擒竇泰於潼關沁苑之戰所向披靡太祖壯之又從戰印山敵衆稍却雅乃還軍錄前後功進爵為伯達奚寔為大行臺郎中從太祖擒竇泰復弘農破沁苑皆力戰有功增邑三百戶加車騎將軍左光祿大夫

劉雄為驃騎大將軍力戰齊將段孝先於長城西軍還遷軍司馬進爵為侯邑一千四百戶

侯直為驃騎將軍從太祖破沁苑戰河橋進大都督加左光祿大夫涼州刺史宇文仲和據州作逆直從開府獨孤信討擒之拜車騎大將軍儀同三司封肥城縣公邑一千戶又從于謹平江陵進驃騎大將軍開府儀同三司賜奴婢一百戶

竇熾初為撫軍將軍從魏孝武西遷仍與其兄善重至城下與武衛將軍金龍戰於千秋門敗之因入宮城取御馬四十疋并鞍勒進之行所帝太悅賜熾及善駿馬各二疋駕馬各十疋又加衛將軍從擒竇泰復弘農破沁苑皆有功增邑八百戶又從太保李弼討白額稽胡破之除車騎大將軍

竇毅為符璽郎從擒竇泰復弘農戰沁苑皆有功拜右將軍太

中大夫進爵為侯邑一千戶

李穆為都督河橋之戰免太祖難擢授武衛大將軍加大都督車騎大將軍儀同三司進爵安武郡公增邑一千七百戶前後賞賜不可勝計又之太祖美其忠節乃嘆曰人之所貴唯身命耳李穆遂能輕身命之重濟孤於難雖復加之以爵位賞之以玉帛未足為報也乃特賜鐵券賜以十死進驃騎大將軍開府儀同三司侍中初穆授太祖以總馬及後中厩有此色馬者悉以賜之

常孝寬為大都督齊神武傾山東之衆志圖西入以王瑩衝要先命攻之孝寬捍退神武智力俱困遂殂魏文帝嘉孝寬功令殿中尚書長孫紹遠左丞相王悅至瑩勞問授驃騎大將軍開府儀同三司進爵建忠公魏恭帝元年以太將軍與燕公子謹代江陵平之以功封穰縣公還拜尚書右僕射

趙元定為襄威將軍從太祖討侯莫陳悅以功拜平遠將軍步兵校尉從擊潼關拔迴洛城進爵為伯增邑三百戶加前將軍太中大夫從擒竇泰復弘農破沙苑戰河橋元定皆先鋒以前後功累遷都督征東將軍金紫光祿大夫帥都督增邑三百戶印山之戰元定殺傷甚衆論功為最賞賜甚厚

楊標為驃騎將軍擊破東魏南絳郡虜其郡守屈僧珎錄前後功封劔陽縣伯邑五百戶印山之戰追退魏將侯景太祖嘉之賜帛三百戶

李遷哲為車騎大將軍從開府賀若敦討真洋澄三州叛賊既

平之又克巴州及鹿城軍還太祖嘉之以所服紫袍玉帶及所乘馬以賜之并賜奴婢三十口加授侍中驃騎大將軍開府儀同三司除直州刺史仍給軍儀鼓節揚雄為積善將軍從于謹攻盤豆柵從復李遠經沙苑陣並力戰有功封安平縣侯加冠軍將軍中散大夫賞賜甚厚復入洛陽戰河橋解王瑩圍迎高仲密援侯景並預有功前後增邑四百九十戶世襲義陽郡守從太將軍宇文虬攻克上津遷通直散騎常侍都督儀同三司

新刊監本冊府元龜卷第三百八十二

新刊監本冊府元龜卷第三百八十三

將帥部 四十四

褒異第九

隋李雅後周時領左右軍征吐谷渾縱奇兵擊破之賜奴婢百口

李金才為揚州行軍主管破突厥阿勿俟斤於納遠川進位大將軍

李詢自高祖為丞相以元帥長史平尉遲迥之亂進位上柱國改封隴西郡公賜帛千疋加以口馬

梁睿後周時為大將軍從齊王憲拒齊將斛明律月於洛陽每戰有功遷小冢宰高祖主百揆代王謙為益州主管行至漢州

而謙反高祖命睿為行軍元帥討平之進位上柱國主管如故
賜物五千段奴婢一千口金二千兩銀三千兩食邑千戶開皇
初徵還京師及引見帝為之興命睿上殿握手極歡睿退謂所
親曰功遂身退今其時也遂謝病於家闔戶自守不交當世帝
賜以版輿每有朝覲必令三輿上

于義為梁睿行軍總管時王謙構逆其將達奚善擁眾據開遠
義將左軍擊破之尋拜同州主管賜奴婢五百口雜絲三千段
陰壽仕周為儀同從武帝平齊進位開府賜物千段奴婢百口
女樂二十人高祖為丞相壽以行軍總管鎮幽州即拜幽州總
管時有竇寧者齊氏之疎屬也周武帝拜為營州刺史連結契
丹靺鞨舉兵反壽遣人陰間其所親任者竇寧為其麾下所殺
北邊遂安賜物千段未幾卒贈司空

竇榮保定初為平東將軍從周太祖與齊人戰於北印擊卻齊
以功拜上儀同後從周元皇帝引突厥木朽侵齊之并州賜物
三百段襲爵永富縣公邑千戶進爵開府除中州刺史從武帝
平齊加上開府拜前將軍依飛中大夫高祖受禪累遷武侯大
將軍尋除泰州主管賜吳樂一部突厥沙鉢略寇邊以為行軍
元帥率九三管步二三萬出梁州數挫其鋒沙鉢略突厥請盟
而去賜縑萬匹進爵安豐郡公增邑千六百戶轉左武衛大將
軍開皇六年卒帝為之廢朝令左衛大將軍元旻監護喪事賻
絹三千疋贈冀州刺史陳國公

元景山周閔帝時為撫軍將軍數從征伐累遷儀同三司賜爵

文昌縣公授疊川防禦後與齊人戰於北印斬級居多加開府
遷建州刺史進封宋安郡公邑三千戶從周武帝平齊每戰有
功拜大將軍改封平原郡公邑二千戶賜女樂一部帛六千疋
奴婢二百五十口牛羊數千高祖為丞相景山以上將軍率騎
與司馬消難將樊毅馬傑等戰剋之拜安州總管進位柱國前
後賜帛三千疋時相栢山蠻相聚為亂景山復擊平之高祖受
禪拜上柱國

源雄周太祖時賜爵隴西郡公後周武帝伐齊以功授開府改
封朔方郡公拜冀州刺史時以突厥寇邊徙雄為平州刺史以
鎮之未幾檢校徐州總管及高祖為丞相時陳人見中原多故
遣其將陳紀等侵江北雄與吳州主管于顛等擊走之又東潼
州刺史曹孝達據州作亂雄遣兵襲擊走之進位上大將軍伐
陳之役從秦王俊出信州道及陳平以功進位上柱國賜物千
段復鎮朔州

豆盧勣仕周為柱國利州總管高祖為丞相益州總管王謙作
亂勣嬰城固守出奇兵擊之賊因解去高祖遣開府趙仲卿勞
苦之詔可使持節上柱國及突厥犯塞以勣為北道行軍元帥
以備邊歲餘拜夏州總管詔曰上柱國楚國公勣蜀人寇亂之
日稱兵犯順固守金湯隱如敵國嘉猷太節其勞已多可食始
州臨津縣邑千戶後以病徵還京師詔諸王並至勣第中使顧
問道路不絕其年卒高祖悼惜者久之特加贈鴻臚監護喪
事

豆盧通仕周為武賁中大夫北徐州刺史及高祖為丞相尉遲
迥作逆遣其所署台州刺史烏丸居卒衆來攻通逆擊破之賜
物八百段進位大將軍

賀若誼仕周為雒州刺史平齊之役誼率兵出函谷先據洛陽
即拜洛州刺史進封建威縣侯齊范陽王高紹義之奔突厥也
誼以兵追之戰於馬邑遂擒紹義以功進位大將軍高祖為丞
相拜亳州總管西邊司馬消難東拒尉遲迥申州刺史李慧反
誼討平之進爵范陽郡公授上大將軍

梁士彥為雒州刺史從周帝拔晉州進位柱國除使持節晉絳
二州諸軍司晉州刺史及帝還後齊後主親總六軍而圍之士
彥固守孤城及齊平封郟國公進位上柱國

梁剛仕周為儀同以平尉遲迥功加開府擊突厥有勲進位上
大將軍通政縣公

梁默為行軍總管從楊素北征突厥進位大將軍漢王諒之反
復以行軍總管從楊素討平之加授柱國

宇文欣仕周為儀同三司賜爵興固縣公韋孝寬之鎮王瑩也
以欣同行屢有戰功加位開府驃騎將軍進爵化政郡公邑二
千戶從武帝伐齊拔晉陽及齊平進位大將軍賜物千段尋與
烏丸軌破陳將吳明徹於呂梁進柱國賜奴婢二百口高祖為
丞相尉遲迥作亂以欣為行軍總管從韋孝寬擊之迥軍大敗
及平鄴城以功加上柱國賜奴婢二百口牛馬羊萬計高祖顧
謂欣曰尉遲迥傾山東之衆連百萬之師公舉無遺策戰無全

陣誠天下之英傑也進封英國公增邑三千戶

王誼周武帝時為內史大夫封揚國公從帝伐齊帝賴以全濟及齊平授相州刺史未幾徵為內史汾州稽胡為亂誼率兵擊走及平賊而還賜物五千段高祖為丞相轉汾州總管司馬消難反誼為行軍元帥討平之高祖以誼前代舊臣甚加禮敬遣使勞問冠蓋不絕拜大司馬誼自以與高祖有舊亦歸心焉及帝受禪顧遇彌厚帝親幸其第與之極歡

元諧為大將軍時高祖為丞相尉遲迥作亂遣兵寇小鄉令諧擊破之及高祖受禪賜宴極歡進位上大將軍封樂安郡公邑千戶吐谷渾寇梁州詔諧為行軍元帥擊敗之詔遷柱國

王世積仕周為上儀同長子縣公高祖為丞相尉遲迥作亂從韋孝寬擊之每戰有功拜上柱國高祖受禪進封宜陽郡公未幾授蘄州總管平陳之役以舟師自蘄州趨九江與陳將紀瑱戰於蘄口大破之又移書詰諭陳諸兵將並降以功進位柱國荊州總管賜絹五百段加之寶帶邑三千戶後數歲柱州人李光仕作亂世積以行軍總管討平之帝遣都官員外郎辛凱卿馳勞之及還進位上柱國賜物二千段帝甚重之遼東之役與漢王並為行軍元帥至柳州遇疾疫而還拜涼州總管令騎士七百人送之官

高穎周武帝時為下士大夫以下齊功拜開府從越王盛擊隰州叛胡平之高祖得政屬意於穎委以心膂尉遲迥之起兵遂自請行大破之因平尉遲迥還嘗侍於臥內撤御帷以賜之進

用府元龜
位柱國改封義寧縣公遷相府司馬高祖受禪拜尚書左僕射
兼納言進封渤海郡公俄拜右衛大將軍時突厥屢為寇患詔
潁鎮邊及還賜馬百餘疋牛羊千計後為左領軍大將軍
及伐陳以潁為元帥陳平以功授上柱國高祖幸并州留潁居
守及帝還京賜縑五千匹復賜行宮一所以為莊舍其天人賀
拔氏寢疾中使顧問絡繹不絕帝數幸其第賜錢五萬絹萬疋
復賜以千里馬

楊素周武帝時為車騎大將軍父敷終於大都督及平齊之役
素請率父麾下先驅帝從之賜以竹策曰朕方欲大相驅策故
用此物賜卿從齊王憲與齊人戰於河陰以功封清河縣子邑
五百戶授司城大夫復從憲拔晉州其後每戰有功及齊平加
上開府改封安城縣公邑千五百戶賜以粟帛奴婢雜畜高祖
為丞相會尉遲迥作亂榮州刺史宇文胄據武牢以應迥高祖
拜素大將軍發河內兵擊胄破之遷徐州總管進位柱國封清
河郡公邑二千戶高祖受禪加上柱國帝方圖江表先是素數
進取陳之計未幾拜信州總管賜錢百萬錦千段馬百疋而遣
之及大舉伐陳以素為行軍元帥大破賊還拜荊州總管進爵
越國公邑三千戶真食長壽縣千戶賜物萬疋粟萬石加以金
寶又賜陳主妹及女奴十四人轉內史俄而江南人李稜等作
亂素進討悉平之帝以素文勞於外詔令馳傳入朝加子玄感
官為上開府賜綵物三千段又斬浙江賊帥高智慧於泉州自
餘支黨悉來降附江南大定帝遣左領衛將軍獨孤陀至浚儀

迎勞北到京師問者日至賜黃金四十斤加銀餅實以金錢繡三千段馬二百疋羊一千口公田百頃宅一區又為并州道行軍總管討平漢王諒以功賞物五萬段綺羅千疋諒之奴妾二十人後為靈州道行軍總管破達頭可汗優詔褒賜繡一萬疋及萬釘寶帶

揚文思仕周為車騎大將軍治冀州事討平党項羗及擊破山獠等又從陳王攻齊河陰城又從帝攻拔晉州以勲進授上儀同三司改封永寧縣公增邑至千戶又生擒壽陽劉叔仁及別從王宣破賊於鯉魚柵其後累以軍功遷果毅右旅下大夫高祖為丞相從韋孝寬拒尉遲迥於武陟迥遣其將李攜圍懷州與行軍總管宇文述擊走之破尉惇平鄴城皆有功進授上大將軍改封洛陽縣公尋拜絳州刺史開皇元年進爵正平郡公加邑二千戶

蘇孝慈為宣納上士從武帝伐齊以功進位開府賜爵文安縣公邑千五百戶

蘇沙羅仕周為都督從韋孝寬破尉遲迥以功授開府儀同三司封通泰縣公及高祖開皇中遷檢校利州總管事從史萬歲擊西爨累戰有功進位大將軍賜物千段尋檢校益州總管長史會越雋人王奉舉兵作亂沙羅從段文振討平之賜奴婢百餘口

李雄周太祖時為輔國將軍從達奚武平漢中定興州又討汾州胡錄前後功拜驃騎大將軍儀同三司武帝時為涼州總管

長從滕王自破吐谷渾於青海以功加上儀同宣帝嗣位徙行軍總管韋孝寬略定淮南雄以輕騎數百至硤石說下十餘城拜亳州刺史高祖總百揆徵為司會中大夫以淮南之功加位上開府及受禪拜鴻臚卿進爵高都郡公食邑二千戶

韋沈仕周為開府賜衛國縣公高祖為丞相徙季父孝寬擊尉遲迥於相州以功拜柱國進封襄陽郡公邑二千戶

韋藝為上開府時高祖為丞相藝徙季父孝寬擊尉遲迥及破尉惇平相州皆有功為以功進位上大將軍改封武威縣公邑

千戶高祖受禪進封魏興郡公

宇文慶為驃騎大將軍徙周武帝拔晉州及齊師大至慶又破高緯拔高壁開并州下信都擒高諧功並居最武帝詔遷大將

軍封汝南郡公邑千六百戶尋以行軍總管擊延安反胡平之

拜延州總管俄轉寧州總管高祖為丞相復以行軍總管江南

江表師次白帝徵還以勞進位上大將軍尋加柱國開皇初拜

左武衛大將軍進位柱國

楊文紀仕周為車騎大將軍安州總管長史將兵迎陳降將李

瑗於齊安與陳將周法尚軍遇擊走之以功進授開府高祖為

丞相改封汾陰縣公徙梁睿討王謙以功進授上將軍前後增

邑三千戶

李禮成仕周為平東將軍以軍功拜車騎大將軍儀同三司賜

爵脩陽縣侯伐齊之役從武帝圍晉陽禮成以兵擊南門齊席

毗羅率精甲數千拒帝禮成力戰退之加開府進封冠軍縣公

元褒仕周官至開府北平縣公趙州刺史及高祖為丞相從韋
孝寬擊尉遲迥以功超拜柱國進封河澗郡公邑二千戶高祖
仁壽初以行軍總管擊平嘉州夷獠煬帝即位拜齊州刺史

郭榮周武帝時為宣納中士從帝平齊以戰功賜馬二十匹錦
絹六百段封陽縣男至高祖仁壽初西南夷獠多叛詔榮領八
州諸軍事行軍總管率兵討之歲餘悉平賜奴婢三百餘口煬
帝即位入為武侯驃騎將軍後數歲擊平亂夷遷左侯衛將軍
從帝西征吐谷渾拜銀青光祿大夫遼東之役以功進左光祿
大夫從事攻遼東城榮親蒙矢石晝夜不釋甲胄百餘日帝每
令人窺諸將所為知榮如是帝大悅每勞勉之後拜右侯衛大
將軍楊玄感之亂帝令馳守太原明年復從帝至柳城遇疾帝
令存問動靜中使相望卒於懷遠鎮帝為之廢朝贈兵部尚書
賜物千段

李安為黃門侍郎平陳之役高祖以為揚素行軍司馬仍領行
軍總管安率衆先鋒大破陳師高祖嘉之進位上大將軍郢州
刺史

長孫覽仕周武帝歷小司空從平齊進封薛國公

長孫熾為稍伯下大夫周武帝建德中從信州總管王長述破
王謙擒其偽總管元振以功拜儀同三司至煬帝時戶部尚書
吐谷渾冠張掖令熾率精騎擊走之以功授銀青光祿大夫

韓擒虎為廬州總管高祖委以平陳之任平金陵執陳叔寶賜
物萬段又與賀若弼爭功於帝前於是進位柱國賜物八千段

其後突厥來朝帝謂之曰汝聞江南有陳國天子乎對曰聞帝命左右引突厥詣擒帟前曰此是執得陳國天子者擒帟勵然顧之突厥惶恐不敢仰視別封壽光縣公邑千戶

韓壽僧仕周為中旅下大夫高祖得政從韋孝寬平尉遲迥每戰有功授大將軍封昌樂縣公邑千戶至高祖開皇中檢校靈州總管事從楊素擊突厥破之進位上柱國改封江都郡公

韓洪仕周為大都督高祖為丞相從素孝寬破尉遲迥於相州加上開府并棠縣侯邑八百戶高祖受禪進爵為公尋授驃騎將軍平陳之役授行軍總管及陳平以功加柱國

賀若弼為吳郡總管時高祖委以平陳之事若弼歛取城十策帝稱善賜以寶刀開皇九年大舉伐陳以弼為行軍總管平陳

有功帝下詔褒揚及迎勞曰克定三吳公之功也命登御坐賜物八千段加位上柱國進爵宋國公真食邑三千戶加以寶劔寶帶金甕金盤各一并雉尾扇曲蓋雜綵二千段女樂二部又賜陳叔寶妹為妾拜右領軍大將軍

達奚長儒初仕周太祖為大都督數有戰功假輔國將軍累遷使持節撫軍將軍平蜀之役常為先鋒攻城野戰所當必破除車騎六將軍儀同三司增邑二百戶又遷驃騎大將軍從武帝平齊遷開府進爵安城郡公邑千二百戶宣政元年除前將軍勇猛中大夫獲陳將吳明徹以功進位大將軍尋授行軍總管高祖為相王謙舉兵於蜀詔長儒擊破之高祖受禪進位上大將軍封蘄春郡公邑三千五百戶

賀婁子幹為秦州刺史與宇文述等擊破尉遲迥於懷州高祖
大悅手書進位上開府封武川縣公邑三千戶開皇元年進爵
鉅鹿郡公其年吐谷渾寇涼州子幹以行軍總管從上柱國元
諧擊之功最優詔褒美明年突厥犯蘭州子幹擊之於是冊授
上大將軍徵授新督副監尋拜工部尚書突厥犯塞詔子幹以
行軍總管從寶榮擊定之子幹別路破賊斬首千餘級高祖嘉
之遣通事舍人曹威齎優詔勞勉之子幹請入朝詔令馳驛奉
見突厥雍虞閭遣使請降并獻羊馬詔以子幹為行軍總管出
西北道應接之還拜雲中總管以突厥所獻馬百匹羊千口以
賜之乃下書曰自公守北門風塵不警突厥所獻還以賜公
史萬歲仕周為開府儀同三司從梁士彥擊尉遲迥每戰先登

及迥平以功拜上大將軍後領軍功將軍平陳之役又以功加
上開府及高智慧等作亂江南以行軍總管從楊素擊之萬歲
率衆二千自東陽別道而進踰嶺越海攻陷溪洞不可勝數前
後七百餘戰轉鬪千餘里寂無覈問者十旬遠近皆以為沒萬
歲以水陸阻絕信使不通乃置書竹筒中浮之於水汲者得之
以言於素素大悅上其事高祖嘆嗟賜其家錢十萬還拜右領
軍

劉方仕周為丞上士尋以戰功拜上儀同高祖為丞相從帝幸
寬破尉遲迥於相州以功加開府賜爵河陰縣侯邑八百戶高
祖授禪進爵為公開皇元年從衛王爽破突厥於白道進位大
將軍

馮昱多權略有武藝高祖為丞相以行軍總管與王誼李威等
討叛蠻平之拜柱國

王擲驍勇善射高祖以其有將帥才每以行軍總管屯兵江北
禦陳寇數有戰功伐陳之後高智慧反攻討皆有殊績而遷柱
國

李克少慷慨有英略開皇中頻以行軍總管擊突厥有功遷官
至上柱國武陽郡公

武通性果烈善馳射數以行軍總管討西南夷每有戰功進封
白水郡公

陳永貴以勇烈知名高祖甚親愛之數以行軍總管鎮邊每戰
必單騎陷陣遷官至柱國蘭利二州總管封北陳郡公

房兆劄毅有武略頻以行軍總管擊胡以功遷官至柱國徐州
總管

王長述高祖為丞相時受信州總管部內夷獠猶有未賓長述
討平之進位上大將軍又陳取王謙之策帝大悅前後賜黃金
五百兩授行軍總管率眾討謙以功進位柱國開皇初復獻平
陳之計帝善其能頻加賞劾後數歲以行軍總管擊南寧未至
道病卒帝甚傷惜之令使者吊祭贈上柱國冀州刺史

李衍為義州刺史從帝孝寬鎮王璧城數與賊戰敵入憚之及
齊平以軍功進授大將軍改封真鄉郡公拜左宮伯賜綵三百
疋奴婢二十口及王謙作亂高祖以衍為行軍總管從梁睿平
之進位上大將軍賜縑二千疋開皇元年又以行軍總管討叛

蠻平之進位柱國賜帛二千疋大舉伐陳授以行軍總管
田仁恭仕周為開府儀同三司中郎府掾徙宇文護征伐數有
戰功改封襄武縣公邑五百戶徙武帝平齊加授上開府進封
浙陽郡公增邑二千戶高祖為丞相進位大將軍徙韋孝寬破
尉遲迥於相州拜柱國

杜整為左武衛將軍開皇中密進取陳之策高祖善之於是以
行軍總管鎮襄陽病卒帝聞而傷之贈帛四百疋米四百石
薛世雄初徙周武帝為帥都督開皇中數有戰功累遷儀同三
司又為玉門道行軍大將擊降伊吾進位正議大夫賜物千段
李徹為車騎大將軍周武帝時徙皇太子西征吐谷渾以功賜
爵周昌縣男邑三百戶復徙帝破齊師於汾北乘勝下高壁拔
晉陽擒高諧於冀州俱有力焉錄前後功加開府別封蔡陽縣
公邑千戶至高祖受禪為左武衛將軍總晉王軍事進爵齊安
郡公及突厥沙鉢略可汗犯塞與李克率精騎五千出其不意
掩擊大破之以功加上大將軍

杜彥仕周為龍州刺史賜爵永安縣伯高祖為丞相徙韋孝寬
擊尉遲迥於相州每戰有功賜物三千段奴婢三十口進位上
開府開皇中為左武衛將軍平陳之役以行軍總管與新義公
韓擒虎平陳賜物五千段粟六千石進位柱國高智慧作亂復
以行軍總管徙楊素討平之賜奴婢百餘口拜洪州總管

高勵為光州刺史高祖為丞相時上取陳五策及大舉伐陳以
勵為行軍總管徙宜陽公王世積下陳江州以功拜上開府賜

物三千段

余朱敞為驃騎大將軍周武帝東征上表求從許之攻城陷陣
所當皆破進位上開府除南光州刺史入為護軍大將軍轉膠
州刺史高祖受禪改封邊城郡公黔安蠻叛命敞討平之師旋
拜金州總管

獨孤楷仕周為車騎將軍其後數從征伐賜爵廣阿縣公邑千
戶拜右侍下大夫

周本從韋孝寬平淮南以功賜子景雲爵西河縣公高祖為丞
相進授開府及受禪拜右監門將軍進封汝陽郡公

乞伏之周武帝時為熊渠中大夫高祖為丞相從韋孝寬擊尉
惇於武陟所當皆破授大將軍賜物八百段及平尉遲迥進位
柱國賜爵河西郡公邑三千戶賚物二千三百段

張威仕周位至柱國高祖以威為行軍總管從元帥梁睿擊王
謙平之進上柱國拜瀘州總管

和洪周武帝時為車騎大將軍儀同三司時龍州蠻任公欣李
國立等聚眾為亂洪擒斬之從帝攻河陰洪力戰陷其西門帝
壯之賞物千段復從帝平齊進位上儀同賜爵北平侯邑八百
戶拜左勳曹下大夫柱國王執之擒吳明徹也洪有功烏加位
開府遷折衝中大夫尉遲迥作亂相州以洪為行軍總管從韋
孝寬擊走又破尉惇於武陵及破平相州每戰有功拜柱國封
廣武郡公邑二千戶前後賜物萬段奴婢五十口金銀各百定
牛馬百匹

宇文弼初為別隊從周武帝平齊以功拜上儀同封武威縣公
邑千五百戶賜物千五百段奴婢百五十口馬牛羊千餘頭拜
司州總管司銀宣帝時為監軍從梁士彥攻拔壽陽尋改封安
樂縣公增邑六百戶賜物六百段加以口馬俄轉南司州刺史
遇陳將樊毅戰於漳口虜獲三千人除黃州刺史尋轉南定州
刺史高祖開皇初以前功封平昌縣公加邑一千二百戶三年
突厥寇其州以行軍司馬從元帥竇定擊破之還除太僕少
卿轉吏部侍郎平陳之後弼持節為諸軍節度仍領行軍總管
劉仁恩之破陳將呂仲肅也弼有謀焉加開府擢拜刑部尚書
張衡為揚州總管開皇中熙州季英林聚反署置百官以衡為
行軍總管率步騎五萬人討平之拜開府賜奴婢一百三十口
物五百段金銀雜畜稱是

崔仲方為會州總管時諸羗猶未賓附高祖詔令仲方擊之與
賊三十餘戰諸部悉平賜奴婢一百三十口黃金三十斤雜物
稱是

于仲文為大將軍高祖初為丞相尉遲迥之亂仲文討之河南
既平勒石紀功樹於泗上入朝京師高祖引入臥內宴享極歡
賜雜絲千餘段奴女十人拜柱國河南道大行臺

李景以行軍總管從王世積伐陳陷陣有功進位上開府賜奴
婢六十口物千五百段及高智慧等作亂江南復以行軍總管
從楊素擊之還授鄜州刺史遼東之役為馬軍總管後為代州
總管時漢王諒作亂景發兵擊破之景尋被徵入京進位柱國

拜右武衛大將軍賜縑九千疋女樂一部加以珍物景智畧非
所長忠直為時所許帝甚信之擊蠻向忠歿破之賜奴婢六十
口又擊吐谷渾於青海破之進位光祿大夫賜奴婢六十口縑
二千疋又攻高麗武厲城破之賜爵苑丘侯物一千段

新刊監本冊府元龜卷第三百八十三

新刊監本冊府元龜卷第三百八十四

將帥部

四十五

褒異第十

隋慕容三藏開皇中為開府儀同大將軍副行軍總管常光討
嶺南酋長王仲宣以功授大將軍賜奴婢百口加以金銀雜物
魚俱羅為大都督從晉王平陳以功拜開府賜物一千五百段
未幾沈玄愔高智慧作亂江南楊素以俱羅請與同行每戰有
功加上開府高唐縣公又與素擊突厥以功進位柱國
張定和為驃騎將軍從上柱國李充擊突厥先登陷陣虜刺之
中頸定和以草塞瘡而戰神氣自若虜遂敗走高祖聞而壯之
遣使者齎藥馳詣定和所勞問之進位柱國封武安縣侯賞物

二千段良馬二匹金百兩

張奩自高祖作相授大都督領鄉兵賀若弼之鎮壽春也常為
間諜平陳之役頗有功焉進位開府儀同三司封文安縣子邑
八百戶賜物二千五百段粟二千五百石歲餘率水軍破逆賊
笮子海於京口薛子建於和州徵入朝拜大將軍高祖命昇御
座而宴之謂奩曰卿可為朕兒朕可為卿父今日聚集爾無外
也後賜綺羅千疋綠沈甲獸文具裝尋從楊素征江表別破高
智慧於會稽吳世華於臨海位上大將軍賜奴婢六十口繡綵
二百疋開皇十八年為行軍總管從漢王諒征遼東諸軍多物
故奩猶全高祖善之賜物二百五十段

郭衍周武帝時為大將軍從武帝與齊武帝大戰於晉州追齊
師至高壁敗之仍令平并州以加功授開府封武康縣公邑一
千二百戶尉遲迥之起擊其餘於濟北累戰破之超拜上柱國
封武山郡公賞物七千段

李圓通領左翊衛驃騎將軍伐陳之役以行軍總管從楊素出
信州道以功進位大將軍進封萬安縣侯

王韶為軍正周武帝既拔晉州意欲班師韶諫止及平齊氏以
功進位開府封晉陽縣公邑五百戶賜口馬雜畜以萬計高祖
受禪累加大將軍晉王之鎮并州除行臺右僕射賜綵五百疋
平陳之役以本官為元帥府司馬及克金陵進位柱國賜奴婢
三百口緜絹五千段

史祥為右衛將軍煬帝即位漢王諒發兵作亂遣其將綦良自

滏口狗黎陽塞白馬津余公理自大行下河南帝以祥為行軍總管皆大破之進位上大將軍賜縑綵七十段女奴十八良馬二十匹轉大僕卿祥從征吐谷渾率衆出關道擊虜破之俘男女二千餘口賜奴婢六十口馬二百匹進位左光祿大夫拜左驍衛將軍

楊義臣高祖仁壽初拜為朔州總管賜以御甲煬帝嗣位漢王諒作亂代州總管李景為諒將喬鍾葵所圍詔義臣救義臣與戰破之以功進位上大將軍賜物二千段雜綵五百段女奴十人良馬二十匹

來護兒為上開府從楊素破高智慧盛道延進位柱國封永寧郡公高祖嘉其功使畫工圖其像以進尋詔追入朝賜以宮女寶刀駿馬錦綵等物煬帝時為左驍衛大將軍煬帝大業六年從駕江都賜物千段令上先人家宴父老州里榮之

陳稜為東萊留守揚玄感之亂也稜率兵至江都襲破彭城賊孟讓以功進位光祿大夫賜爵信宴侯及煬帝下江都宮遣稜率宿衛兵擊李子通往往克捷超拜右禦衛將軍

王辨為車騎將軍煬帝初漢王諒之作亂也從楊素討平之賜爵武寧縣男邑三百戶遼東之役以功加通議大夫尋遷武賁郎將又上魏刁兒劫掠燕趙辨發從行率步二千擊騎敗之賜黃金二百兩渤海賊帥高士達自號東海公衆以數萬辨擊之屢挫其銳帝在江都宮聞而馳召之又引見禮賜甚厚復令往信都經畧士達於是復戰破之優詔褒顯之

周羅喉初仕陳宣帝為使持節督霍州諸軍事都平山賊十二洞除右將軍始安縣伯邑四百戶總檢校揚州內外諸軍事賜金銀三十兩高祖時從楊素擊突厥大破之進位大將軍煬帝即位授左武侯大將軍漢王諒反詔赴楊素討平之進授上大將軍

段文振初仕後周為中外府兵曹從武帝攻齊晉州下之賜物千段授上儀同進平鄴都又賜綺羅二千凡開皇末為太僕卿越雋蠻判擊平之賜奴婢二百口煬帝時為兵部尚書從征吐谷渾以功進位右光祿大夫後為左侯衛大將軍卒贈光祿大夫尚書左僕射北平侯賜物一千段粟麥二千石威儀鼓吹送至墓所

宇文述周武帝時為英果中大夫高祖為丞相尉遲迥作亂以行軍總爵擊其將李雋破之及平陳每有戰功超拜上柱國進爵褒國公賜縑三千疋開皇初拜左衛大將軍陳平之後以行軍總管率眾擊陳軍大破之吳會悉平以功賜物三千段拜安州總管開皇末為太子左衛率煬帝嗣位拜左衛大將軍三年加開府儀同三司每元會冬正朝會輒給鼓吹一部大業中征高麗為扶餘道將軍臨發帝謂述曰禮七十者行後以婦人從公宜以家累自隨古稱婦人不入軍謂臨戰時耳至於營壘之間無所傷也項籍虞姬即其故事

周法尚為巴州刺史破三鷓判蠻復從柱國王誼擊走陳寇遷衡州總管四川諸軍事改封譙郡公邑二千戶高祖幸洛陽召

之及引見賜金細酒鍾一雙綵五百段良馬十五匹奴婢三百口給鼓吹一部法尚固辭帝曰公有大功於國特給鼓吹者欲令公卿知朕之寵公也代陳之後以行軍總管隸秦孝王率舟師擊鼓其城州刺史熊門起擒於陣轉鄂州尋遷永州總管安集領尚陽縑五百段良馬五百匹仍給黃州兵三千五百人為帳內又降斬陳州刺史錢季卿等賜綵五百段奴婢五十口并銀窳寶帶良馬十匹又為領南安撫大使後數年入朝以本官宿衛賜綵三百段米五百石絹五百疋未幾與上柱國王世積討平桂州李光賜奴婢百五十口黃金百五十兩銀百五十斤仁壽中遂州獠叛復以行軍總管討平之寓州烏蠻反詔法尚擊破之賜奴婢百口物三百段蜀馬二十匹煬帝時拜左武衛將軍賜良馬一匹絹三百段又擊黔安夷向思多還討從討吐谷渾逐捕亡散至於海清賜奴婢一百口物三百段馬七十匹又領會寧太守遼東之後以舟師指朝鮮道會楊玄感反與將軍宇文述等破之以功進右光祿大夫賜物九百段又擊齊盜王薄每挫其銳賜奴婢百口

王仁恭為車騎將軍從揚素擊突厥於寧武以功拜上開府賜物三千段以驃騎將軍典蜀王軍事山獠作亂蜀王命仁恭討破之賜奴婢三百口煬帝嗣位漢王諒舉兵反從揚素擊平之以功進位大將軍拜呂州刺史賜帛四百段女妓十人遼東之後仁恭為將軍及帝班師仁恭為殿遇賊擊走之進授左光祿大夫賜絹六十段馬四百匹明年復為前軍賜良馬十匹黃金

百兩仁恭逐軍至新城賊數萬皆城結陣仁恭擊破之帝聞而大悅遣舍人詣軍勞問賜以珍物進授光祿大夫賜絹五千疋董純仕周為典馭下大夫從武帝平齊以功拜儀同進爵大興縣侯增邑通前八百戶高祖受禪累遷驃騎將軍後以軍功進位上開府開皇末以勞舊拜左衛將軍煬帝初漢王諒作亂并州以純為行軍總管河北道安撫副使從楊素擊平之以功拜柱國進爵為郡公增邑一千戶轉左備身女奴十人繡五十疋趙才為右侯衛將軍從煬帝征吐谷渾以為行軍總管衛尉劉權兵部侍郎劉雅等出合河道與賊相遇擊破之以功進位金紫光祿大夫

李子雄為帥都督時高祖作相從帝孝寬破尉遲迥於相州拜上開府賜爵建昌公高祖受禪為驃騎將軍伐陳之後以功進位大將軍煬帝初漢王諒之作亂也子雄授上大將軍力戰破之遷幽州總管

趙元淑為驃騎將軍煬帝嗣位漢王諒作亂元淑從楊素擊平之以功進位柱國拜德州刺史

裴仁基開皇初為親衛平陳之後先登陷陣拜儀同賜物千段以本官領漢王諒府親信煬帝時為武貢郎將從將軍李景討叛蠻向思奴於黔安以功進位銀青光祿大夫賜奴婢百口絹五百疋

唐李高遷為右三統軍從高祖平霍邑圍京城力戰功最累遷左武衛大將軍封江夏郡公檢校西州刺史

錢九隴為左監門郎將從高祖平薛仁果劉武周以前後戰功累受右武將軍又從太宗擒竇建德平王世充從隱太子討劉黑達於魏州力戰破賊策勳為最封郡公

樊興為右監門將軍從太宗破薛舉平王世充竇建德積戰功累封營國公賜物二千段黃金三十錠

公孫武達為檢校右監門將軍肅州刺史擊斬突厥於張掖河太宗璽書慰勞拜左監門將軍又受詔擊鹽州叛突厥余黨幾盡進封東萊公

陸長遜武德初為五原太守及征薛舉長遜不待命而至以功拜豐州總管進封揚國公邑三千戶賜以錦袍後為右武侯將軍屬有疾高祖親幸其第以視之其見重如此

唐儉自太宗為渭北道行軍元帥以儉為司馬平京城加光祿大夫

長孫順德自義兵起拜統軍從平霍邑破臨汾下絳郡俱有戰功尋與劉文静擊屈突通執通歸京師仍略定陵縣高祖即位拜左驍衛大將軍封薛國公武德九年與秦叔寶等討建成餘黨於玄武門太宗踐祚真食千二百戶特賜以宮女

殷嶠字開山太宗為北渭道元帥引為長史與統軍劉弘基率兵屯長安城隋將衛孝節自金光金門出戰嶠與弘基擊破之京城平賜爵陳郡公武德二年兼陝東道大行臺兵部尚書從太宗討王世充以功進爵鄭國公復從征劉黑闥道病卒太宗親臨喪哭之甚慟贈陝東道大行臺右僕射

柴紹為右領軍大都督府長史大軍發晉陽兼領馬軍總管及義師至霍邑紹力戰宋老生有功下臨汾絳郡並先登陷陣授右光祿大夫武德元年累遷左翊衛大將軍尋從太宗平薛舉破宋金剛攻平王世克於洛陽擒竇建德於武牢封霍國公賜實封千二百戶貞觀元年拜右衛大將軍二年擊梁師都於夏州平之轉右衛大將軍七年加鎮軍大將軍行右驍衛大將軍改封譙國公十二年寢疾太宗親自臨問尋卒贈荊州都督馬三寶為太子監門率別擊叛胡劉收真於北山破之又從平薛仁果遷驍衛將軍後從柴紹擊吐谷渾於岷州前後虜男女數千口封新封縣公

屈突通初為太宗行軍元帥長史從平薛舉持賜金銀六百兩綵物一千段尋以本官判陝東道行臺僕射及大兵圍洛陽竇建德且至太宗中分麾下以屬通令與齊王元吉固守洛陽世充平通功為第一尋拜陝東大行臺右僕射

姜行本為左屯衛將軍高昌之役以行軍副總管率衆先出伊州遂與侯君集進平高昌璽書勞之進封金城郡公賜物一百五十段奴婢七十人後從太宗征高麗至蓋牟城中流矢卒太宗賦詩以悼之贈左衛大將軍鄜國公陪葬昭陵

竇軌武德初為秦州總管時赤排羗寇漢中軌與賊連戰皆捷餘黨悉降進封鄜國公

竇琮初為高祖大將軍府統軍從平西河破霍邑拜金紫光祿大夫封扶風郡公與段志玄等力戰隋大軍潰進兵東略下陝

縣拔大原拜左領軍大將軍賜物五百段武德初以元謀勳特
恕一死拜右屯衛大將軍復轉為左領軍時將圍洛陽遣琮留
守陝城以督糧運王世充遣其駙將羅士信來斷糧道琮潛使
人說以利害士信遂帥衆降及從平東都賞物一千四百段後
以本官檢校晉州總管尋從隱太子討平劉黑闥以功封譙國
公賞黃金五十斤

竇杭為左武侯大將軍從太祖平薛舉勳居第一又從征王世
充及東都平冊勳太廟者九人抗與從弟軌俱預焉朝廷榮之
賜女樂一部金寶萬計

竇璉為民部尚書從太宗平薛仁果以功特賜錦袍尋鎮益州
李孝常隋末為華容令率兵守永豐倉陰圖附義以倉城來降
拜為左衛大將軍從平薛仁果力戰有功高功又念其以倉歸
義手勅褒美進爵義安王邑三千戶著屬籍宗正高祖臨朝每
賜同榻而坐其寵如此

牛進達為左武衛將軍從侯君集為交河道總管征高昌有功
累封琅邪公賜物一千三百段

李思摩為右武衛將軍從征遼東為流矢所中太宗親為吮血
其見顧遇如此水滸卒于京師贈兵部尚書夏州都督賜東園
秘器陪葬昭陵為冢像白道山任依舊法燒訖然後葬

王君廓為右領軍鎮幽州會突厥入寇君廓邀擊破之俘斬二
千餘人獲馬五十匹高祖聞而大悅徵之入朝賜以御馬令於
殿庭乘之而出又謂侍臣曰吾聞相如叱秦王目皆出血君廓

往擊竇建德將出戰徐勣過之君廓發憤大呼目及鼻耳一時流血此之壯氣何謝古人不可以常例賞之復賜錦袍金帶竇靜為夏州都督值突厥攜貳諸將出征多詣其所靜知虜中虛實潛令人間其部落郁射設所部一孤尼等九侯斤並率衆歸漢太宗稱善賜馬百匹羊千口

李大亮為安州刺史高祖令徇廣州已東行次九江會輔公柝反大亮以計擒公柝將張善公柝尋遣兵圍猷州刺史左難當嬰城自守大亮率兵進援擊賊破之以功賜奴婢百人亮謂曰汝輩多衣冠子女破亡至此吾亦何忍以汝為賤隸乎一皆放遣高祖聞而嗟異復賜僮婢二十人及討吐谷渾以大亮為且末道行軍總管與太總管李靜等出北路涉青海歷河源遇

賊於蜀渾山接戰破之俘其名王虜雜畜五萬計以功進爵為公賜物千段奴婢一百五十人

李靖為行軍總管兼攝趙郅王孝恭行軍長史高祖以孝恭未更戎旅三軍之任一以委之擊蕭銑以功授上柱國封永康縣公賜物二千五百段又為嶺南道撫慰大使檢校柱州總管時輔公柝於丹陽反詔孝恭為元帥靖為副以討之江南悉平於是置東道行臺拜靖行臺兵部尚書賜物千段奴婢百口馬百匹及突厥寇太原以靖為行軍總管尋檢校安州大都督高祖每云李靖是蕭銑輔公柝膏肓之石名將韓白衛霍豈能踰之太宗嗣位拜刑部尚書并錄前後功賜食封四百戶又為代州道行軍總管進擊定襄破之以功進封代國公賜物六百段及

名馬寶器貞觀初妻亡有詔墳塋制度依漢霍光故事象燕然
及積石山以旌殊績靖有疾太宗親幸其第流涕謂曰公是朕
平生舊交又於國有大功忽聞疾病深以為憂賜絹一千段及
薨冊贈司徒并州都督給班劍四十人羽葆鼓吹陪葬昭陵
張儉為營州都督兼護東夷校尉太宗將征遼東拜行軍總管
渡遼趨建安城賊徒大潰以功累封皖城郡公賞物甚厚

郭孝恪為安西都護會烏耆王與西突厥通親相為唇齒進貢
希至孝恪表請擊之太宗許焉以孝為西州道行軍總管恪虜
其王齒龍突騎支而還太宗嘉其遠立殊功遣使優勞加勳十
一轉

程務挺為洛州刺史從太宗平劉黑闥以功拜營州都督府長
史封東郡公賜物二千段黃金三百兩

段德操為左武衛將軍延州道行軍總管以功拜柱國爵為郡
公邑千戶賜以貂裘金帶布帛千疋

姜確為左屯衛將軍征遼行軍總管攻蓋牟城中流矢卒太宗
甚哀悼為五言詩以傷之時人榮之賜東園秘器陪葬昭陵墳
高六丈

王君暕為左武衛將軍從征遼戰傷還卒於營太宗深痛悼之
賜東園秘器陪葬昭陵墳高六丈

劉瞻為涪州刺史時劉武周連年為寇鄰城多陷賊數攻之輒
為瞻所敗及裴寂之叛也晉州以北連城悉陷唯瞻獨守李仲
文以兵保之二人并力拒戰賊來攻之輒挫其銳及太宗復并

州高祖遣使勞苦之賜帛三萬疋米麥千石頒其將士

李君羨少以勇氣聞從太祖破宋金剛以功授上柱國驃騎將軍加賜牛馬錦帛及宮人拜左衛府中郎將突厥來至渭橋君羨與校遲敬德等大破其衆太宗謂之曰盡如我君羨用心國賊亦何定改授左衛侯中郎將封武連縣公

蘇定方貞觀初為正道府折衝隨李靖襲突厥頡利于磧石為前鋒悉降之軍還授左武侯中郎將高宗時為行軍總管征賀魯擒之以功遷左驍衛大將軍封鄆國公俄有思結突厥斤都曼先鎮諸胡擁其所部及跋勒宋俱般葱嶺三國復叛詔定方為安撫大使率兵討之都曼面縛出降葱嶺已西悉定以功加食邑邢州鉅鹿真邑五百戶顯慶五年從幸太原制授熊津道

大總管率師討百濟平之賞賜珍寶不可勝計俄遷左武衛大將軍乾符二年卒褒贈幽州都督

尉遲敬德為右府統軍從太宗擊王世充於東都世充驍將軍雄信領騎直趨太宗敬德翼太宗以出賊圍賜金銀各一篋恩賜日隆又從破程圓助累有戰功授秦王府左二副護軍敬德歷鄜夏二州都督封鄆國公後解職顯慶中卒高祖舉哀於東雲龍門廢朝三日詔京官朝集使五品以上并赴宅哭仍遣黃門侍郎劉祥道持節齎璽書往弔贈司徒并州都督所司備禮冊命給班劍三十人及羽葆鼓吹

薛仁貴自太宗遼東之役以敢勇聞擢授游擊將軍雲泉府果毅仍令北門長上并賜生口十人高宗顯慶二年詔仁貴副程

名振於遼東經略破高麗以功封河東縣男尋又領兵擊九姓突厥於天山將行高宗內出甲令試之仁貴射五重高宗大驚更取堅甲以賜之時九姓有衆十餘萬來挑戰仁貴擒其偽葉護兄弟三人而還乾封中高麗內附仁貴擊其賊衆大敗高宗手勅勞之復遷左領軍衛將軍檢校代州都督病卒贈左驍衛將軍官造靈輿并家口給傳還鄉

劉弘基為右光祿大夫義師至河東弘基以兵千人先濟河進下馮翊為渭北道大使渡渭水屯於長安逆擊衛文昇一戰而捷高祖大悅賜馬二十匹破京城功為第一從太宗擊薛舉於扶風破之累拜右領都督封河間郡公武德元年拜右驍衛大將軍以元謀之勲恕其一死又為左一總管從太宗擊破宋

金剛累封任國公尋從擊劉黑闥於洛州師旅授并鉞將軍備胡寇於北鄙九年以佐命功真食九百戶太宗征遼東以弘基與前軍大總管從擊高延壽於駐驛山力戰有功太宗屢加勞勉高宗永徽元年加實封通前一千一百戶其年卒高宗為之舉哀廢朝三日贈開府儀同三司并州都督

馮盎為上柱國貞觀中羅洞寶諸洞獠叛詔盎率部落三萬為諸軍先鋒斬首十餘級太宗令其子智戴慰省之前後賞賜不可勝數

阿史那杜壘為左驍衛大將軍貞觀十四年授行軍總管以平高昌諸人咸即受賞杜壘以來奉詔旨秋毫無所取軍還太宗美其廉慎以高昌所得寶刀并雜綵千段賜之仍令檢校北門

田原方
左屯營封畢國公十九年從征遼所部兵士人百其勇師旋兼授鴻臚卿

契苾何力為右驍衛大將軍太宗征遼東以何力為前軍總管軍次白崖城為賊所圍被朔中膏瘡重疾甚太宗自為傳藥高宗乾封初為遼東道行軍大總管拔平壤城虜其王還授鎮軍大將軍行左衛大將軍徙封梁國公

劉仁軌高宗乾封初為右相兼檢校太子左中護累前後戰功封樂城縣男咸亨五年為雞林道大總管東伐新羅仁軌率兵徑渡瓠蘆河共破北方大鎮七重城以功進爵為公

黑齒常之為左領軍員外將軍高宗儀鳳中吐蕃犯邊常之從李敬玄擊之劉審禮之沒賊敬玄欲抽軍却阻泥溝而計無所出常之夜率敢死五百人進掩賊營吐蕃大首領拔地設棄軍宵遁敬玄因此得還高宗嘆其才略擢授左武衛將軍兼檢校左羽林軍賜金五百兩絹五百疋仍充河源軍副使吐蕃贊婆及素和貴等賊徒三萬餘屯於良非川常之率精騎三千夜襲營殺獲二千級獲羊馬數萬贊婆等單騎而遁擢常之為大使又賞物四百疋

王峻玄宗開皇初為隴右郡牧使吐蕃寇臨兆峻率所部擊之大潰以功加銀青光祿大夫封清源縣男又為并州大都督府長史討突厥殺掠甚衆以功遷左散騎常侍持節朔方道行軍大總管十一年代張說為相追錄破胡之功加金紫光祿大夫仍充朔方軍節度大使

張說為朔方軍節度大使時慶州方渠胡康願子自立為可汗
舉兵反說以討賊功賜實封三百戶

郭虔瓘為右驍衛將軍兼北庭都護開元二年春突厥默啜遣
其子移涅可汗及同俄特率精騎圍逼北庭虔瓘固守使勇士
伏路斬同俄賊衆乞降以功拜冠軍大將軍右驍衛大將軍又
下制進封大原郡開國公俄轉安西大都護攝御史大夫四鎮
經略安撫使進封潞國公賜實封一百戶

郭知運為檢校伊州刺史兼伊吾軍使開元二年春副郭虔瓘
破突厥於北庭以功封介休縣公知雲麾將軍擢拜右武衛將
軍吐蕃入寇隴右知運擊敗之拜鄯州都督隴右諸軍節度大
使六軍又率兵討吐蕃掩獲萬計獻捷拜知運為兼鴻臚卿攝

御使中丞太原郡公八年六州胡康待賓等反詔知運與王晙
討平之拜左武衛大將軍賜金銀器百事雜綵千段九年卒於
軍贈梁州都督米粟五百斛綿帛五百段

王君奭為右衛副率及郭知運卒遂代為河西隴右節度使遷
右羽林將軍判梁州都督事開元十六年冬吐蕃大將悉詰邏
率衆入寇大斗谷又移攻甘州君奭襲至清海俘獲軍馬萬數
以功遷羽林軍大將軍依舊判梁州都督封晉昌伯玄宗又嘗
於廣達樓引君奭及妻夏氏設宴賜以金帛

張守珪為平樂府別將開元初突厥入寇北庭守珪請引兵自
輪臺擊之及賊敗以功特加游擊將軍後十五年授瓜州刺史
吐蕃暴至城下守珪縱兵擊敗之以功加銀青光祿大夫仍以

瓜州為都督二十一年轉幽州長史兼御史中丞營州都督河北節度副大使先是契丹及奚連年為邊患及守珪到官入擊每戰皆捷斬契丹首領可突干首傳於東都明年春守珪獻捷會籍田禮玄宗賦詩以褒美之拜守珪為輔國大將軍左羽林大將軍兼御史大夫仍賜雜綵一千疋及金銀器物等

王忠嗣為左威衛將軍河西討擊副使兼檢校代州都督為王昱所陷貶東陽府左果毅屬河西節度使杜希望謀拔新城玄宗詔追忠嗣赴河西既下新城忠嗣之功居歿因授左威衛郎將軍知行軍兵馬又大敗吐蕃以功最詔拜左金吾衛將軍同正員

新刊監本冊府元龜卷第三百八十四

新刊監本冊府元龜卷第三百八十五

將帥部 四十六

褒異第十一

唐李嗣業為中郎將玄宗天寶七載安西都知兵馬使高仙芝奉詔搃軍專征勃律選嗣業與郎將田珍為左右陌刀將遂長驅至勃律城擒勃律王吐蕃公主斬勝橋以兵三千入戍於是佛林大食諸胡七十二國皆歸國家款塞朝獻嗣業之功也由此拜右威武將軍十載又從平右國及破九國胡并背叛突騎施以跳盪加特進肅宗在鳳翔至德九年二月嗣業從廣平王收復京城賊眾大敗之河北郭子儀遂收東都嗣業以功加開府儀同三司衛尉卿封虢國公食實封二百戶乾元二年正月

與諸將同圍相州為流矢所中瘡欲愈卧於帳中忽聞金鼓之聲因大叫瘡中血出數升注地而卒帝聞之震悼嗟惜久之詔贈武威郡王其賵贈及緣葬事所司倍於常式仍令官給靈輦逋還至舊所在

王思禮嘗麾將軍金城太守祿山反哥舒翰為元帥奏思禮加開府儀同三司兼太常卿充元帥府馬軍都將肅宗至德二年九月思禮從元帥廣平王收西京既破賊思禮領兵先入宮又從郭子儀至陝西城曲沃賊軍繼收遷兵部尚書封霍國公食實封三百戶乾元初與李元弼來朝勅朝官四品已上出郊迎上元初加司空自武德以來三公不居宰輔唯思而已禮二年五月薨贈太尉官給靈輦差鴻臚卿一人充使監護

衛伯玉為神策軍兵馬使出鎮安西肅宗乾元二年十月擊逆賊史思明偽將李歸仁破走之以功遷右羽林軍大將軍知軍兼轉四鎮北庭行營節度使獻俘百余人至闕下遷神策軍節度使上元二年二月史思明領眾西下圍長安史朝義率其黨夜襲陝州伯玉以兵逆擊大破賊於永寧賊退進位特進封河東郡公

郭子儀為朔方節度使時安祿山反玄宗天寶十四載十一月詔子儀東封祿山遣大同軍使高秀嵩寇河曲子儀擊敗之進收雲中馬邑開東陁以功加御史大夫及肅宗即位祿山死詔子儀還鳳翔進位司空克闡內河東副元帥既平河東河西河南賊以功加司徒封代國公食邑千戶尋入朝肅宗遣兵仗戎

容迎于灞上肅宗勞之曰雖吾國家實由卿再造及還東都命子儀經營北討乾元元年七月破賊河上擒偽將安守思以獻遂朝京師勅百僚班迎於長樂驛進位中書令上元二年二月用子儀為朔方河中北庭潞儀澤沁等州節度使行營兼興平定國副元帥充本官觀察處置等使進封汾陽郡王出鎮絳州三月子儀辭赴鎮賜御馬銀器雜綵別賜絹布四萬疋端以賞軍代宗即位以子儀守大尉充北道邠寧涇原河西以來通知蕃及朔方招撫觀察使後自涇陽入朝帝御安福門待之命子儀樓上行朝見禮宴賜隆厚

僕固懷恩世襲都督玄宗時為左領軍大將軍天寶十五載與李光弼合勢及李思明戰于常山趙郡沙河嘉山皆大破之功居多肅宗即位於靈武懷恩累從郭子儀及廣平王破賊皆立殊功以前後功加開府儀同三司鴻臚卿同正員同節度副使封豐國公食實封二百戶乾元元年九月遣九節度擊安慶緒於相州從郭子儀領朔方行營又副李光弼二年進封大寧郡王遷御史大夫朔方行營節度使上元二年冬加工部尚書勅李輔國及常參官等送上代官造食代宗即位以懷恩副天下兵馬元帥雍王領河東節度行營及鎮西迴紇兵馬赴陝州仍許懷恩母及妻隨懷恩之陝州行營迴紇可敦即懷恩之女也時迴紇通和會於陝州帝特崇姻好以寵之

李光弼為河北節度使時玄宗幸蜀肅宗理兵於靈武追光弼及郭子儀赴行在授光弼戶部尚書兼大原尹北京留守同中

書門下平章事及賊將史思明蔡希德高秀嵩牛廷珣等四偽帥衆十餘萬來攻太原光弼率敢死之士出擊大破之伏清夷橫野等軍擒賊將李弘義以歸詔守司空兼兵部尚書中書門下平章事進封魏國公食實封八百戶乾元元年與閔內節度使王思禮入朝奉朝官四品已上出城逆謁遷侍中改封鄭國公二年七月為天下兵馬元帥趙王係之副知節度行營事八月兼幽州大都督府長史出統河南諸軍於內及收復懷州以功進爵臨淮郡王累加實封一千五百戶俄拜大尉內尉宴送御製詩以寵之朝臣畢和寶應元年五月光弼進封臨淮郡王賜鉄券以代宗廣德二年薨及葬詔宰臣以下俱送於延平門李抱玉為鄭陳穎亳四州節度肅宗乾元中史思明陷洛陽抱玉守河陽南城擊退賊帥周摯圍河陽復懷州皆功居第一遷澤州刺史代宗即位為澤潞節度使加領陳鄭二國遷兵部尚書廣德九年吐蕃寇京師群盜充斥詔抱玉兼鳳翔節度討之以功遷司空辛雲京為太原節度虜畏雲京不敢惕息太原大理無烽火之虞累加檢校左僕射同中書門下平章事以代宗天曆三年八月薨代宗追悼發哀冊贈大尉輟朝三日十一月葬遣中使弔

祭時宰相及諸節度使祭者凡米拾余椀饌菓彫飾器既豐盈窮極奢靡士庶觀如者如堵

嚴武為劍南節度使成都尹代宗廣德二年破吐蕃七萬餘衆拔當狗城十月取鹽州城改檢校吏部尚書封鄭國公

田神功為平盧軍節度都知兵馬使擒逆賊劉展以功遷檢校工部尚書汴宋等八州節度使太宗天曆三年入覲尋加檢校

右僕射赴尚書省視事持詔宰臣百官送上仍加知省事以寵之入觀闕廷構疾信宿而終代宗悼惜為之撤樂廢朝三日贈司徒賻絹一千疋布五百端特許百官弔喪賜屏風茵褥於靈座并賜千僧齋以追福至德以來將帥不兼三事者哀榮無比李納為平盧軍節度使時李希烈圍陳州納遣兵與諸軍奮擊大破之因解圍加檢校司空封五百戶

李忠臣代宗時為淮西節度觀察使同華節度周智光舉兵反詔忠臣與神策將李火清等討平之天曆二年加檢校工部尚書寔封通前三百戶五年加蔡州刺史檢校右僕射知省事李靈曜之叛田承嗣使姪悅援之忠臣與諸軍大破之汴州平十一年十二月加檢校司空平章事

伊慎為果毅代宗天曆八年江西節度使路嗣恭討領南哥舒晃之亂以慎為先鋒直逼賊壘疾戰破之斬晃於淇溪函首獻于闕下嗣恭表慎功授連州長史知當州團練使德宗時為鄆州刺史充節度都知兵馬使建中末車駕在梁洋慎進兵迎擊李希烈之甥劉戒虛擒之以加拜安州刺史兼御史大夫仍賜實封一百戶

馬璘為大常卿時蕃戎寇邊詔璘赴援河西廣德初僕固懷恩不順誘吐蕃入寇代宗避狄陝州璘即日自河右轉鬪戎虜追擊俘斬數千由是雄名益振代宗還宮召見慰勞之授兼御史大夫永中為涇原節度城堡護全虜不敢犯加檢校右僕射帝甚重之遷檢校右僕射知省事詔宰臣百僚於尚書省送上

進封扶風郡王天曆十一年卒德宗悼惜之廢朝贈司徒
郝廷玉初為李光弼帳中愛將肅宗乾元中史思明再陷洛陽
廷玉擒賊將徐璜解中澗之圍前後以戰功累授開府儀同三
司試大常卿封安邊郡王累遷秦州刺史代宗天曆八年廷玉
卒追錄舊勳贈工部尚書

王栖曜肅宗時為浙東節度王與馬軍兵馬使代宗廣德中草
賊袁晁起亂台州御史中丞袁傪東討奏栖曜為偏將生擒袁
晁收復郡邑授常州別駕浙西都知兵馬使時江右兵荒栖曜
擊賊大潰遷試金吾大將軍李靈曜叛于汴州浙西觀察使李
涵俾栖曜將兵為河南掎角以功加銀青光祿大夫累加至御
史中丞

張萬福代宗時為和州刺史行營防禦使時賊將康自勸擁兵
劫掠循淮而東萬福追而殺之代宗發詔以勞之賜衣一襲宮
錦十双後自泗州刺史徵拜右金吾將軍詔圖形凌煙閣數賜
酒饌衣服并勅度支籍口畜給其費

薛嵩為相州衛節度使卒代宗命工部尚書李勉使于相州弔
祭

曲環自玄宗天寶中為果毅別將安祿山反守鄧州拒賊功居
多超授左清道率又從李抱玉守河陽南城尋別將兵守澤州
破賊驍將安曉勅特拜羽林將軍又別將部兵合諸軍同討史
朝義平河北累轉金吾大將軍因隨李抱玉移軍京西代宗天
曆中領兵隴州頻破吐蕃加特進大常卿又詔以邠隴兵五千

大破戎虜於劔南加太子賓客賜以名馬與諸將討涇州叛將
劉文喜平之加開府儀同三司兼御史中丞充邠隴兩軍都知
兵馬使累破李納逆黨以功最加御史大夫德宗建中三年十
月加檢校左省常侍充邠隴行營節度使又大破李希烈逆黨
於陳州城下加檢校工部尚書兼陳州刺史希烈平加環兼許
州刺史加實封三百戶後加檢校左僕射卒廢朝一日贈司空
賻布帛米粟有差

楊朝晟德宗建中初為甘泉府果毅從李懷光討劉文喜於涇
州斬獲生擒居多授驃騎大將軍稍為右先鋒兵馬使後李納
寇徐州從唐朝臣征討嘗冠軍鋒以功授開府儀同三司檢校
太子賓客德宗在奉天以朝晟為左廂兵馬使下咸陽以挫朱
泚加御史大夫實封一百五十戶

李抱真為招義軍節度使德宗建中三年田悅以魏博反抱真
與馬燧敗悅兵遂解臨洛及邢州之圍以功加檢校兵部尚書
復與燧圍魏州又敗悅於城下以功加檢校右僕射興元初遷
檢校左僕射平章事破朱滔於涇城以功加檢校司空食實封
五百戶
李光為河楊三城懷州節度觀察使與河東節度馬燧等諸軍
破田悅於洹水以功授檢校兵部尚書累封開府郡王食實封
一百戶

馬燧代宗時為河東節度使前政軍敗之後兵甲寡弱燧乃塞
險以遏奔衝及朝於京師加檢校兵部尚書令還太原與諸軍

擊敗田悅兵加燧同中書門下平章事德宗初詔加燧魏州大都督府長史兼魏博貝等州節度觀察招討等使及帝幸奉天引軍還太原及帝還京加燧奉誠軍及晉絳慈隰節度使并管內諸軍行營副元帥與渾瑊同討李懷光赴河中軍營詔常參官送至通化門懷光平乃下詔褒美遷光祿大夫并令還太原是役也帝賜燧宸宸台衡二銘并序三年二月入朝冊拜司徒侍中北平王仍賜妓樂乃薨詔贈太傅祔廟宜令所司供少牢仍給南簿從宅至廟并量供人夫兼令大常博士檢校

渾瑊為折衝果毅節度使安思順遣瑊提偏師大破阿布思部遷中郎將安祿山搆逆瑊從李光弼出師河北定諸郡邑遷右驍衛將軍及肅宗即位於靈武瑊統兵赴行在至天德遇蕃軍入寇瑊擊敗之從郭子儀收兩京討安慶緒破賊於新鄉改檢校太僕卿充五鋒軍使又從僕固懷恩討史朝義前後數十戰朝義平加開府儀同三司太常卿賜實封二百戶又為朔方行營左廂兵馬使從郭子儀討吐蕃於邠州以功加御史中丞會吐蕃大入寇至奉天瑊拒戰於莫谷大破蕃軍以功加太子賓客復屯於奉天華州周智光反郭子儀討之令瑊領馬步萬人攻下同州知光平詔以賓寧慶三州隸朔方軍郭子儀領之子儀令瑊光率兵至邠州便於宜祿縣防秋歲餘加兼御史大夫代宗天曆十一年子儀入朝令瑊知邠寧慶三州兵馬留後十三年迴紇侵太原以瑊為石嶺關已南諸軍知兵馬使率兵逐虜騎引退其年八月加檢校工部尚書兼單于副護振武軍使

十四年入為左金吾衛大將軍建中四年李希烈遣間諜詐偽
城書與希烈交通城奏其狀德宗特保證之仍賜城馬一匹并
鞍轡絲二百匹興元元年正月以城為行在都知兵馬使二月
賜實封五百戶是日德宗移幸山南城分布諸軍擊敗逆賊李
懷光追討三月加檢校左僕射同中書門下平章事兼靈州都
督震盭豐夏等州遠定西城天德軍節度等使仍充朔方邠寧
振武等道兼永平章奉天行營兵馬副元帥上臨斬授鉞用漢
拜韓信故事是月城將軍赴京畿破賊朱泚六月加城侍中論
收京城之功加實封八百戶七月德宗還宮以城守本官兼河
中尹河中絳慈隄節度使仍充河中同陝虢節度及管內諸軍
行營兵馬副元帥改封咸寧王九月賜城大寧里第女樂五人
入第之日宰臣節將送之又以李懷光未平加朔方行營兵馬
副元帥與河東節度使馬燧會兵進封貞元元年八月河中平
加檢校司空四年七月加邠寧慶副元帥十二年二月加檢校
司徒兼中書令諸使副元帥如故十五年十二月二日薨于鎮
廢朝五日群臣於延英奉慰詔贈大師賻繒絹布四千疋米粟
三千石及喪車將至又為廢朝應綠喪事所司准式支給命京
兆監護葬日賜絹五百疋

田緒為魏博節度使時朱滔率兵兼引迴紇之衆南侵緒遣兵
助王武俊李抱真大破朱滔于涇城以功加檢校工部尚書
李晟為左羽林將軍代宗廣德初鳳翔節度使孫志直署晟摠
遊兵擊破黨攻羗高玉等以功授特進試光祿卿天曆初李抱

玉鎮鳳翔署為右軍都將四年吐蕃圍靈州抱玉遣晟擊之吐蕃因解靈州之圍而去拜開府儀同三司無幾兼左金吾衛大將軍涇原四鎮北庭都知兵馬使并總遊兵無何節度使馬瑋與吐蕃戰於鹽倉兵敗晟率所部橫擊之拔瑋出亂兵之中以功封合川郡王德宗即位吐蕃寇劍南乃詔晟將神策兵救之授太子賓客建中二年魏博田悅反將兵圍臨洺邢州詔以晟為神策先鋒都知兵馬使救臨洺尋加兼御史中丞三年正月復以諸道軍擊敗悅軍於洹水遂進收魏州以功加檢校左散騎常侍實封百戶無幾兼魏府左司馬及王武俊攻趙州晟乃獻狀請解趙州之圍次引次趨定州與張孝忠合勢欲圍范陽德宗壯之加晟御史大夫德宗在奉天詔晟赴難晟引軍踰飛狐師次代州詔加晟檢校工部尚書神策行營節度使實封二百戶及李懷光反車駕幸梁州帝嘆曰早從李晟之言三蜀可坐致也詔授尚書左僕射同中書門下平章事以安衆心後拜晟司徒兼中書令實封一千戶德宗至自興元晟戎服謁見于三橋帝駐馬勞之賜永崇里第及涇陽上田延平門之園林女樂八人入第之日京兆府供帳酒饌賜教坊樂具鼓吹迎導宰臣節將送之帝思晟勲力製紀功碑皇太子書之於石立於東渭橋又令太子書碑詞以賜晟後為中書令奉朝請貞元四年三月詔為晟立五廟五年九月晟與侍中馬燧見於延英殿上嘉其勲力詔圖其像於舊臣之次仍令皇太子書其文以賜晟晟刻石於門九年八月薨帝悼震出涕廢朝五日令百官就第

冊府元龜
臨弔命京兆尹李充監護喪事官給葬具賜賻加等比大欽帝
手書致意送柩前

謝玄佐為宋州刺史德宗建中二年加兼御史中丞宋亳節度
等使李正己死子納匿喪謀反而李洧以徐州歸順納遣兵圍
之詔玄佐與諸軍援洧與賊接戰大破之斬首萬餘級由是轉
輸路通加御史大夫收濮州降將楊令暉分兵挾以徇濮陽遂
降其將高彥超以通濮陽津遷尚書累封四千戶兼曹濮觀察
使

李元諒為鎮國軍節度副使德宗居奉天賊朱泚遣偽將何望
之襲華州遂據城元諒自潼關將所部兵拔華州軍益振以功
加御史中丞是時尚可孤守藍田與元諒為掎角賊東不能逾
渭南元諒功居多遷華州刺史兼御史大夫潼關防禦鎮國軍
節度使尋加檢校工部尚書興元元年五月詔元諒與副元帥
李晟進取京邑帝還宮加檢校尚書左僕射實封七百戶賜甲
第女樂貞元三年詔元諒將本軍從渾瑊與吐蕃禽盟于平涼
與瑊俱申號嚴其部伍而還時謂元諒有將帥之風德宗嘉之
賜馬十匹金銀器錦綵等甚厚四年春加隴右節度營田觀察
臨洮軍使移鎮長元九年十一月卒帝甚悼惜廢朝三日贈布
帛米粟有差

杜希全為朔方軍節度使德宗居奉天希全首將所部以赴難
加檢校戶部尚書行在都知兵馬使

邢君牙初為平陸軍兵馬使累從田神功戰伐歷將軍試光祿

勲神功既為充鄆州節度令君牙領防秋兵入鎮好時屬吐蕃
凌犯代宗幸陝君牙頻屬禁軍扈從又以戰功加鴻臚卿封河
間郡公德宗貞元三年遷右神策軍行營節度鳳翔隴州觀察
使加檢校工部尚書吐蕃犯邊且耕且戰西戎不能為患尋加
檢校右僕射十四年卒廢朝一日贈司空賻布帛米粟有差
尚可孤德宗建中四年為兼御史中丞荆襄應援淮西使以所
統之衆赴山南累有戰功及涇原兵叛詔徵可孤軍至藍田擊
破之興元元年三月遷檢校工部尚書兼御史大夫神策京畿
渭南商州節度使五月李晟率可孤收京城可孤為先鋒京師
平以功加檢校右僕射封馮翊郡王增邑通前八百戶實封二
百戶及李懷光以河中叛詔可孤帥師與諸軍征討次於沙苑
遇疾卒于師贈司空賻布帛米粟甚厚喪葬所須並令官給
劉潼幽州節度使怦之次子怦卒子濟代任表潼為瀛州刺史
無何怒兄濟乃拔瀛州兵一千五百及男女萬餘口歷鎮魏數
軍直趣京師部伍齊整無一人犯令者德宗詔潼賜譙於凌烟
閣甚被恩寵拜金紫光祿大夫檢校太子賓客兼秦州刺史御
史大夫隴右經略軍使其麾下軍士賜名隴右軍以普潤縣為
理所賜本錢五萬貫以自給

程懷直為橫海軍節度使德宗真元十三年來朝加檢校尚書
右僕射乃賜安業坊甲第一區妓一人他賜有差令歸滄州
戴休顏為鹽州刺史奉天之難倍道以所部蕃漢三千人號泣
赴難德宗嘉之賜實封二百戶及李晟收京師既清宮闕休顏

冊府元龜
與渾瑊等率兵赴岐陽邀擊朱泚餘衆及策勳加檢校右僕射
實封至六百戶扈駕至京特賜安樂甲第

揚惠元為神策京西兵馬使及田悅反叛詔惠元領禁兵三千
與諸將討伐戰御河奪三橋皆惠元之功也加檢校工部尚書
李臯為江西道節度使洪州刺史李希烈反臯分兵大破蔡山
賊拔蘄州降其將李良又取黃州舒王為元帥加臯前軍兵馬
使德宗居奉天臯遣伊慎敗杜少誠以功加銀青光祿大夫進
封五百戶

王武俊為成德軍節度使德宗貞元十三年祔祖禰私廟令所
司供少牢量借儀衛人夫仍令太常博士檢校十七年薨廢朝
五日群臣詣延英門奉慰如渾瑊故事詔左庶子李上公持節
贈大師絹三千疋布千端粟三十石

劉昌德宗時攝濮州刺史李希烈既陷汴州昌以三千人守寧
陵躬勵士卒大破希烈擒其將翟曜希烈退保蔡州自此不復
侵軼詔加檢校工部尚書增實封通前二百戶貞元中為涇景
節度使等詔城平涼又於平涼西別築胡谷堡遂以保寧邊鄙
加檢校右僕射

張建封為徐泗節度使德宗貞元十三年入覲時以雙日開延
英召對又令建封朝參入大夫班皆示寵厚之十四年上已賜
中書門下及兩省供奉官宴於曲江特令建封與諸相同榻而
食貞元已後元帥節度累有入朝及却還鎮如馬燧渾瑊劉玄
佐李抱真曲環之崇秩洪勳未有獲御製詩以送之建封將還

鎮持賜詩及出城又令高品中使齋常所執鞭以賜之曰以卿忠真節義歲寒不移此鞭以朕久執用故以此賜卿表卿忠節也建封又獻詩一首以自警勵

曹華仕宣武軍為牙校吳少誠叛本軍以華驍果有智算用為襄城戍將蔡賊攻襄城華屢敗之德宗特賜旗甲

韓全義為蔡州行營招討處置使德宗貞元十七年正月甲寅至京帝命中使就第宣慰焉壬戌宴全義於麟德殿

張茂昭為武義軍節度使德宗貞元二十年十月來朝累陳奏河北及西北邊事語甚忠切德宗屢嘆曰恨見卿之晚錫宴于麟德殿賜良馬甲第及器用錦綵極厚憲宗元和五年冬來朝十二月十二日至京師故事雙日不坐是日特開延英殿對之五刻因請遷祖考之墓來歸京兆在朝兩月未之鎮頭發瘍卒廢朝五日冊贈大師賻絹三千匹布一千端米粟三千石喪事並令官給命京兆尹充監護

劉濟憲宗元和初為幽州節度使招討王承宗諸軍未進濟獨率先前軍擊破之獻逆將於闕優詔褒之明年春大軍以瀛州前後大獻俘獲賞功頗厚仍錄功拜兼中書令

程執恭為橫海軍節度使憲宗元和四年來朝還鎮賜廐馬一匹及槍甲兩河節度久無修覲禮者故嘉而寵之

田弘正為魏博州等節度使憲宗元和十三年王師加兵於鄆詔弘正與五鎮之師會軍齊進時李師道遣大將劉悟率衆兵以抗弘正前後合戰魏軍大捷十四年劉悟以河上之衆倒戈

冊府元龜
入鄆斬師道首詣弘正請降淄青十二州平論功加檢校司徒
同中書門下平章事是年八月弘正入覲憲宗待之隆異對於
麟德殿進加檢校司徒兼侍中實封三百戶

田布弘正第三子也弘正節制魏博布掌親兵國家討淮蔡布
率偏師隸嚴綬軍於唐州授檢校秘書監兼殿中侍御史前後
十八載破凌雲柵下鄆城布皆有功擢授御史中丞又淮西平
拜左金吾衛將軍兼御史大夫

李愬憲宗時為檢校左散騎常侍兼鄧州刺史充隨唐鄧節度
使討蔡賊吳元擠擒之詔以愬檢校尚書左僕射兼襄州刺史
山南東道節度兼鄧隨唐復郢均房等州觀察等使上柱國封
涼國公食邑三千戶食實封五百戶憲宗有意復隴右故地授

愬鳳翔隴州節度使未發屬李師道再叛移愬為徐州刺史武
寧軍節度又淄青平將有事燕趙以愬檢校左僕射同中書門
下平章事潞州大都督府長史昭義節度使仍賜興寧里第又
遷魏州大都督府長史魏博節度使後為太子少保歸東都長
慶元年十月卒於洛陽穆宗聞之辰悼賜賻加等贈大尉

李聽憲宗元和中為楚州刺史統淮南之師討李師道山東平
以功加檢校左散騎常侍穆宗長慶四年為義成軍節度使初
討李同捷時魏博行營將開心志紹潛結滄鎮擅迴戈攻其帥
史憲誠詔聽帥師拔之大破其叛卒紹奔鎮州為王庭湊所殺
遂凱旋以功封梁國公

王智興憲宗元和中為侍御史徐州都押牙王師誅李師道智

興率徐軍八千會諸道之師進擊大破賊於金鄉拔魚臺俘斬萬計以功遷御史丞賊平授沂州刺史長慶初何朔復亂徵兵進討穆宗素知智興善將遷檢校右散騎常侍兼御史中丞充武寧軍節度副使河北行營都知兵馬使

李光顏為忠武軍節度使元和十一年連敗蔡賊吳元濟之衆拔賊凌雲柵憲宗大悅賜其告捷者奴婢銀錦進位檢校尚書右僕射十二年賊平加檢校司空十三年春命中官宴光顏於居第賜葛米二十餘車憲宗又御麟德殿召對賜金帶錦綵十四年西蕃入寇授邠寧節度使光顏擊賊退之穆宗即位就加特進尋詔赴闕賜闕化里第進加同中書門下平章事穆宗以光顏功冠諸將故召赴闕讌賜優給已而帶平章事復鎮所以

報勲臣也長慶初遷鳳翔節度使依前檢校司空同中書門下平章事歲末復授許州節度使赴鎮日宰相百僚以故事送別於章敬寺穆宗御通化門臨送之賜錦綵銀器良馬玉帶等物烏重齊憲宗時為河陽三城節度使會討淮蔡與李光顏犄角相應大小百餘戰以至誅吳元濟就加檢校尚書右僕射韓公武為鄜坊節度使來朝憲宗元和十三年正月帝御麟德殿對公武賜銀器繒錦及馬

王沛為李光顏行營兵馬使別統勁兵攻討吳元濟蔡賊平隨光顏入朝光顏具陳沛功加御史大夫統還鎮光顏授詔討郾寇及李師道誅詔分許州兵戍於邠以沛為都將救鹽州擊退吐蕃以功加寧州刺史遷陳州又沛州李齊反詔沛兼忠武軍

節度副使率師討齊平之加檢校右散騎常侍

劉悟為鄆州李師道牙門都將及王師致討師道遣悟將兵拒田弘正悟因迴軍趨鄆圍其內城兼以火攻其門不數刻梟師道以獻元和末悟自淄青都知兵馬使兼監察御史擢拜檢校工部尚書兼御史大夫義成軍節度使封彭城郡王仍賜實封三百戶錢二萬貫宅庄各一區

朱克融為盧龍軍節度副大使知節度事兼幽州長史敬宗寶曆二年五月卒贈司徒仍令所司擇日備禮冊命仍賻帛三百段米粟二百石差光祿大夫崔芸充弔祭使通事舍人韋翹克副使將作監王堪充冊贈使全部郎中蕭澣克副使

劉沔為振武軍節度使單于大都護文宗開成中党項雜虜大擾河西沔率吐渾契苾沙陀三部落諸族討襲大破之告捷而還以加檢校戶部尚書會迴紇部飢烏介可汗奉大和公主至漠南求食移沔河東節度使詔與幽州張仲武協力招撫迴紇竟破虜寇迎公主還宮以功進位檢校司空

李載義為幽州盧龍軍節度副大使文宗太和三年命中使以白玉帶就幽州賜之示殊恩也五年載義入覲帝以載義有平滄景之功冊拜大寶同中書門下平章事仍詔中使以米麩粟豆油鹽共一千石錢二千貫綾絹二千疋柴四十車草一萬束就永寧里第以宣賜又令向食日給十人生料翌日又命以良馬并鞍就第以賜以及賓佐將吏無不廣霑恩賜

揚元節為河陽節度使時魏博軍亂元節領鎮軍赴援詔賜元

卿綾絹三萬及茶五千斤葛五千匹

石雄為河中晉絳節度使俄而昭義劉從諫卒其子頎擅主軍務朝議問罪令徐師李義佐為招撫使越烏嶺破賊五砦斬獲千計武宗聞捷大悅說謂臣曰今之義而有勇空有雄比者及賊平進加檢校司空

張仲武會昌中為幽州都督府長史兼御史大夫蘭陵郡王而迴紇擾邊仲武遣其弟仲至與裨將游奉寰王如清等率銳兵大破之武宗詔加檢校兵部尚書兼東面招撫迴紇使

張允伸為幽州節度懿宗咸通十年徐人作亂允伸請以弟允臯領兵伐叛懿宗不允詔嘉之賜以錦綵玉帶金銀器等

王重榮僖宗時為河中節度中和元年重榮傳詔徵兵明年李克用領兵至大敗巢賊收復京城其倡義啓導之功實重榮居首京師平以功加檢校大尉同平章事

王處存為義武軍節度使時袁巢犯闕僖宗出處存不俟幸詔命即率本軍入援洎收京師王鐸弟其功云勤王舉義處存為之最以功檢校司空又遣大將張公慶率勁兵三千合諸軍滅巢賊於泰山以功加檢校司徒

錢鏐以昭宗天祐三年正月十二日丙寅行冊命初定亂安國功臣鎮海鎮東軍節度使浙江東西兩道觀察處置淮南東西行營招討營田安撫兩浙鹽鐵制置發運等使開府儀同三司守侍中兼中書令抗越兩州刺史吳王錢鏐臨總兩鎮早立殊功撫制三吳久聞異政一榮封建再援星霜蓋綠路道阻艱遂

冊府元龜
致冊書留滯近者潭洪水陸並已通流元勳與義請行典禮莫
免稽於制命俾速達於冊恩須議施行實為允當明甄酬之寵
諧僉屬之情其所封吳王策禮宜令所司擇日備禮冊命

新刊監本冊府元龜卷之三百八十五

